

IZA IO MELKIZEDEKA IO?



Ndao isika hanondrika ny lohantsika ho an'ny vavaka.

Ray An-danitra malala, renay ny hira hoe *Minoa Fotsiny*, izany dia manao anay hahafantatra fa ny hany tokony hataonay mba handova ny teny fikasan'Andriamanitra rehetra, dia ny mino azy ireny fotsiny. Fa izao no voasoratra hoe, "Ny zavatra rehetra dia azo atao ho an'ireo izay mino." Raha miantsoantso izahay, tahaka an'ilay lehilahy izay nanana zanaka tratry ny androbe hoe, "Tompo, mino aho! Ianao anie hamonjy ahy amin'ny tsi-finoako."

² Misaotra Anao izahay noho ny Herinao lehibe, ny Fanambaranao lehibe taminay ny amin'ny Tenanao amin'izao andro farany izao. Izany dia manao ny fonay ho tena sambatra indrindra sy feno hafaliana, mba hahafantatra fa miditra ao amin'ny fifandraisana amin'Andriamanitra velona izahay; Izay manamarina an'izany avy hatrany ao amin'ireo porofo arabatana, ara-materialy, tahaka ny Nataony tamin'ireo andro lasa, ary araka ny Nampanantenainy ho an'izao andro izao. Tena mankasitraka Anao izahay, ry Andriamanitray. Amin'ity andro maizina ity izay toa ohatry ny tsy misy mahafantatra hoe lâlana inona no haleha, dia tena faly izahay fa hitanay ilay faritra voaaro, ilay toeram-pialan-tsasatra.

³ Ankehitriny dia tahio izahay izao hariva izao, Tompo, raha miresaka ny amin'ny Teninao izahay. Ary ireo teny fikasana izay nomena anay, dia enga anie izahay hitandrina azy ireo ao amponay, hitia azy ireny amin'ny fanajana, ary hankatô azy ireny amin'ny tena fifehezan-tena masina. Fa mangataka an'izany amin'ny Anaran'i Jesosy izahay. Amena.

⁴ [Misy olona iray miresaka amin-dRahalahy Branham—Mpand.] Raki-pitiavana? Tsy tokony hanao izy ireo. Tsy tokony hanao an'izany izy ireo. Iza no nanao an'izany? Ianao ve no diso? Niresaka tamin'ilay mpikarakara aho. Izy no nilaza fa naka raki-pitiavana ho ahy izy. Tsy tokony nanao an'izany izy. Mankasitraka an'izany aho, Andriamanitra no mahafantatra an'izany, fa izaho—izaho dia tsy tonga mihitsy ho an'izany. Misaotra anareo. Ny Tompo anie hitahy anareo. Hanao ny zavatra rehetra izay vitako aho. Hapetrako avy hatrany ao amin'ny asam-pitoriana any ivelany izany, mba hahafantarako fa handeha ho an'ny amin'ny Fanjakan'Andriamanitra izany. Ary raha sitraky ny Tompo, dia izaho no haka an'izany, ny tenako, ho any amin'ireo firenena, mba hitondrana an'ity Filazantsara ity ihany izay nijanonanareo, nohenoinareo tamin'ity herinandro ity, amin'izay fotoana izay dia fantatro fa ho vita arak'izay

ninoanareo Azy izany. Ny Tompo anie hanampy ahy hanao an'izany.

⁵ Tena mankasitraka aho ny amin'ny fanatrehana lehibe amin'ity herinandro ity, ary ho anareo olona rehetra izay mihaino indray izao hariva izao miaraka amin'ny—ny tariby an'ny telefona. Ary mankasitraka ny rehetra sy ny tsirairay avy aminareo izahay.

⁶ Nilaza tamiko i Billy aninkeo maraina, hoy izy hoe, "Dada, raha tonga niaraka tamiko ianao aninkeo maraina, vao maraina, taorian'ny misandratr'andro mihitsy, ka nitsangana teto nanerana an'ireto toerana ireto ary nandinika an'ireo reny namahana ny zaza keliny tao anatin'ny fiara, ireo olona mahatranza izay nipetraka tao ambanin'ilay orana, niandry an'ireo varavarana hisokatra!" Hitanareo ve hoe ho mphiatsaravelatsihy toy ny inona aho raha tsy nilaza zavatra hafa taminareo afa-tsy ny Fahamarinana? Tena ho olona adala iray mihitsy aho. Indraindray dia tsy maintsy mandratra aho, saingy tsy hoe satria izaho no te-hanao an'izany, izany dia satria... Tsy izaho no mandratra. Ny Fahamarinana no mandratra. Ary izaho—izaho... Saingy mino aho fa izany no antony ahatongavanareo, satria tena tso-po tanteraka aminareo aho, ary manao an'izay rehetra vitako mba hanampy anareo. Ny Tompo anie hanampy ny rehetra sy ny tsirairay avy aminareo.

⁷ Ary ankehitriny dia te-hisaotra ny olona aho noho ny fiaraha-miasany tsara, ny olona avy eto amin'ny tanàna eto, ihany koa, izay nanome anay, namela anay hanofa an'ity trano sekoly ity, ity efitranobe sy fanaovana fanatanjahan-tena ity. Ary te-hisaotra an'ireo mpitondra fanjakana aho raha eto ianareo. Ary te-hisaotra ny Thurston Colvin koa aho, izay mpiambina ny eto, noho ny fiaraha-miasany tsara tamin'ny fanampiana anay mba hahazoana an'ity ary niaraka taminay isan-kariva.

⁸ Misaotra ny tafiky ny polisin'i Jeffersonville izahay noho ny fahatongavany eto sy hiambina, tamin'ny vidiny tena mora. Heveriko fa teo amin'ny roa dolara isan'ora teo, no nametrahana ny polisy eto ao amin'ny andraikitra manokana, mba hametraka an'ireo fiara, hijery fa tsy nisy... na inona na inona nitranga, ary ny zavatra rehetra dia nety tsara daholo. Mankasitraka ny olona izahay ny amin'izany. Ary ho an'ilay—ilay, ihany koa, ilay enjeniera eto ao amin'ny—ny fitantanana, nahamarika azy aho. Ary izay rehetra mikambana amin'izao, dia mankasitraka anareo tanteraka tokoa izahay.

⁹ Misaotra ny rehetra sy ny tsirairay avy aminareo aho noho ireo fanomezana. Billy dia nitondra tamiko fotsiny, tamin'ity tolakandro ity, ny—ny fanomezana iray, maro amin'izy ireny, sy boaty, vatomamy, sy ny sisa. Ary ny anankiray tamin'izy ireny dia ny—ny Fahasambarana, miaraka amin'ny sarin'i

Kristy namboarina tao anatin'izany—izany, ilay Toriteny teo an-Tendrombohitra. Ary tena tsara tarehy tokoa ilay izy. Tena misaotra anareo tokoa aho. Ary tena zavatra maro be, tsy haiko hoe ahoana no isaorana anareo. Avy eo, ihany koa, ny amin'ny—ny fanohanananareo, namatsy vola ny favoriana, tena mankasitraka an'izany tokoa izahay, amin'ny fonay rehetra. Ny Tompo anie hitahy ny tsirairay avy aminareo, betsaka.

¹⁰ Nilaza i Billy, fa marobe ireo olona, nangataka fihaonana manokana ianareo mandritry ny fotoana. Ary maro no nangataka sy nanana zazakely hatolotra. Oh, toy ny ahoana no itiavako hanao an'izany!

Saingy, hitanareo, rehefa tonga aho amin'ity fotoana ity, dia tena hamehana ilay izy. Tsy maintsy nipeetraka mihitsy aho, nandrity ny fotoana rehetra, tao amin'ny fianaranana, an'ity Teny ity sy ny vavaka, mba hitondrana an'ireto Hafatra ireto. Hitanareo, izy ireo dia tsy... Izy ireo dia—izy ireo dia hafa mihitsy amintsika, satria izany dia fitadiavana ny sitrapon'Andriamanitra ary avy eo dia miresaka an'ireo zavatra ireo. Ary izany rehetra izany dia tsy maintsy mifanarakaka, ka mangataka an'Andriamanitra fotsiny aho hoe iza no ho sokafana.

¹¹ Ankehitriny, raha sitraky ny Tompo, dia hiverina tsy ho ela izahay, haingana arak'izay hahitanay andro iray. Izaho dia nanao ny—ny volavolan-kevitra iray, na—na nilaza zavatra iray mikasika ny Paska. Tsaratsara kokoa ho ahy ny mandinika an'izany, satria heveriko fa manana fandaharam-potoana iray aho any California mandritr'io fotoana io. Koa mety ho diso izany. Kanefa, rehefa miverina ho any amin'ny tabernakla indray izahay, dia handefa karatra iray ho anareo izahay, sy ny fiangonana, ary—ary hanome anareo ny—ny daty sy ny ora. Avy eo aho dia, angamba amin'izay fotoana izay, indray...

¹² Tsy nametraka fotoana ho an'ny fivavahana ho an'ny marary mihitsy aho. Tsy nanana fotoana iray izay nitondranay ny olona izahay ary nivavaka ho azy ireny. Efa nalefanay any ivelany izy ireny. Ary efa nitory teny ireo rahalahintsika eto, Rahalahy Lee Vayle sy Rahalahy... Efa nitory teny ireo rahalahy hafa, sy nivavaka ho an'ny marary, sy nanao ny batisan'ny rano, nanao batisa, raha ny marina, ary namela ahy hipetraka irery niaraka tamin'ny Teny. Misaotra an'ireo lehilahy ireo isika. Nahavita asa iray lehibe izy ireo.

¹³ Misy sakaimaro be eto izay tiako hihaonana. Mijery aho ary mahita an'i John sy Earl. Ary io ny Dokotera Lee Vayle, iray amin'ireo mpikarakara ny asam-pitoriana. Rahalahy Roy Borders. Ireo lehilahy ireo, izaho aza dia tsy nanao akory... Izaho dia tsy nahavita akory na dia ny nandray ny tangan'izy ireo aza. Tsy nanana anjara iray hanaovana an'izany aho. Mieritreritra an'ireo sakaimaro avy any Kentucky aho, sy ny

manodidina eto, sy ireo sakaiza mpitoriteny, toy ny ahoana no itiavako handray ny tānan'izy ireo! Rahalahy Blair, nahamarika azy aho teto indray andro. Ary maro amin'ireo lehilahy izay ti—tiako, ary efa tany amin'ireo fivoriana maro izy ireo, nef a tsy nahavita mihitsy nandray ny tānan'izy ireo akory aza aho. Izaho—izaho dia miezaka... Tsy hoe satria izaho no tsy tehanao an'izany; ilay izy dia satria tsy manana fotoana hanaovana an'izany aho, ary tsy maintsy mandeha haingana aho.

¹⁴ Ny manolotra an'ireo zazakely, dia azo antoka. Ny zanakolahy manokana, ny zafikeliko dia natao ho voatolotra amin'ity fivoriana ity. Tsy nanana fotoana hanaovana an'izany aho; David kely. Dadabe aho, indroa ankehitriny. Noho izany, Atoa. May, raha eto izy izao hariva izao, izay nanome ahy an'ity tehina ity, toa ohatry ny tsy maintsy hampiasa azy tsy ho ela mihitsy aho.

¹⁵ Koa, ary efa niteny tamin'i Billy aho, hoy aho hoe, “Ny Baiboly dia nilaza hoe ‘mihabetsaha ary mamenoa ny tany,’ saingy tsy ilay enta-mavesatra manontolo no nomena anao.” Ary miseho haingana ireto zafikely ireto.

Ary noho izany, tsarovy, ny vinantovaviko dia momba, tany am-boalohany. Tsy nety nahazo zanaka izy. Ary indray andro, teo am-pandaozana ny fivoriana iray, dia niresaka tamiko ny Tompo ary nanao hoe, “Loyce, hanan-janaka lahy ianao. Ny Tompo no nitahy anao. Lasa ilay aretim-behivavinao.” Teraka i Paul kely, sivy volana taty aoriana.

¹⁶ Roa volana talohan’ny nisehoan’ity zazakely ity an-tsehatra, dia nipetraka aho, nihinana ny sakafo maraina indray maraina, teo amin’ny latabatra, ary teo am-pitan’ny latabatra nisy ahy i Loyce sy Billy. Ary hitako i Loyce namahana an'ilay zazakely niaraka tamin’ny mavokely...na bodoftsy manga iray nandrakofana azy. Ary nipetraka teo amin’ny zorony i Billy, namahana an'i Paul kely. Hoy aho hoe, “Billy, vao avy nahita fahitana iray aho. Loyce dia namahana zazakely iray voarakotra tao anatin’ny bodoftsy manga iray.”

Hoy izy hoe, “Izay ilay dia fihazàko. Sivy volana manomboka izao mihitsy izany.”

Iraika ambin’ny folo volana taty aoriana, dia teraka i David kely. Nefa tsy mbola afaka nanolotra azy ho an’ny Tompo foana aho, ary tsy ho afaka mandra-piverinay indray. Noho izany dia hitanareeo hoe ahoana ilay izy.

¹⁷ Toy ny ahoana no itiavako ny olona sy ireo fiombonany! Saingy ireo rahalahintsika no efa nivavaka ho an’ny marary, ary fantatro fa fahombiazana iray izany. Isan-kariva isika dia nivavaka ho an’ny marary, ny anankiray mametraka ny tānany eo amin'ilay iray hafa, isika rehetra miaraka, ka tamin'izany fomba izany no nahazoana ny toerana manontolo. Fa angamba, raha sitrapon'Andriamanitra... Ho marihiko eto

amin'ny karatra izany, raha mandefa an'izany izahay. Hiverina aho, dia tiako ny hanokana eo amin'ny andro roa na telo eo, indray, hivavahana ho an'ny marary fotsiny sy hanaovana an'izay azontsika hatao amin'izany fomba izany. Ankehitriny, ary misaotra ny olona aho noho ny fanampiany, indray.

¹⁸ Ankehitriny dia te-hanazava fotsiny aho, fotoana fohy fotsiny, eo amin'ny—eo amin'ny Hafatry ny maraina. Tsy isalasalana, tsy nahatapitra azy manontolo aho, saingy heveriko fa mahazo ianareo. Ary azoko antoka fa ianareo dia tsy... Tsy ho fantatrareo mihitsy hoe inona ny fanaovana an'izany ho ahy.

¹⁹ Ankehitriny, toa ohatry ny tsotra ilay izy aminareo. Saingy, ianareo, hitanareo ve izay ataoareo? Maka ny toeran'Andriamanitra ianareo, mba hanonona Zavatra. Ary alohan'ny hanaovako an'izany, dia tsy maintsy mahazo valiny iray avy amin'Andriamanitra izany. Ary tsy maintsy nidina Izzy, ka naneho ny Tenany ho hita maso Izzy, ary nanome ny Fanambarana. Noho izany, hitanareo, ity dia ho an'ilay Fiagonana. Ary tsarovy, hoy aho hoe, “Ireto, izao lazaiko izao, dia ho an'ilay Fiagonana irery ihany.”

²⁰ Ary mba hahafahanareo hanana fahatokiana sy hahafantatra, fa ilay Andriamanitra iray ihany no niteny tamiko tany rehefa tsy nisy vontsira. “Mitenena, ary lazao hoe ho aiza izy ireo.” Ary intelo nisesy no nitrangan’izany. Ankehitriny, raha tamin’ny alalan’io Teny iray io ihany no Nahafahany namorona zavatra izay tsy nisy teo, tsy mihoatra noho izany ve no hihazonan’Ity mafy amin’ny Andron’ny Fitsarana! Hitanareo? Tany ireo olona mba hahita an’ireo zavatra ireo, ary nahafantatra. Tahaka ny nolazain’i Paoly, tamin’ireo andro lasa. Nisy olona niaraka taminy, izay—izay nahatsapa ny tany nihozongozona; nefy tsy nandre an'ilay feo, fa izy ireo—izy ireo dia nahita an'ilay—ilay Andry Afo.

²¹ Nahatsara ahy izany, na izany aza, taorian’ny nahavitany; ny mahita an’ireo vady lahy sy vady vavy, izay fantattro fa Kristiana tena izy, nifamihina sy nitomany.

²² Ary henoy, ry sakaiza, Andriamanitra dia manamarina ny Teniny amin’ireo famantarana sy fanamarinana, mba hanaporofa marina Izany, ilay Teny voambara. Ankehitriny tsarovy, ilay Hazavana izay tao amin’io Rahona io, izay nanome ny Fanambarana. Izaho dia...

Ny zanakovavy kely dia niteny tamiko, Sarah eto, fa izy ireo rehefa... Ilay sekoly tany Arizona tany dia njery an'ilay lanitra tsy nisy rahona, ary nahita an’io Rahona mahagaga tao amin’io tendrombohitra io, nandeha niakatra-sy-nidina, niaraka tamin’ny Afo manganozano iray nirehitra tao Anatiny. Nandrava ny kilasy sy ny sekoly ilay mpampianatra, ary nitondra azy ireo nivoaka nankeny anoloana, ary nanao hoe,

“Efa mba nahita zavatra tahaka an’izao ve ianareo? Jereo ilay fiseho ery.”

Tsarovy, izany ilay Hazavana manganohano iray ihany izay teo amin’ny vatomampy. Koa izany dia ilay Andriamanitra iray ihany, Fanambarana iray ihany, no nanao hoe, “Lazao izy ireo hanao an’izao.” Izany no nolazaiko taminareo aninkeo maraina, noho izany dia io ilay Izy.

²³ Raha toa ilay sakaizako tsara, Rahalahy Roy Roberson, ka sendra miaino any Tucson. Roy, tsaroanao ve, indray andro, ilay fahitana izay hitanao rehefa nitsangana teo amin’ilay tendrombohitra isika? Nanatona ahy ianao, ary teo an-tampony teo io Rahona io? Teo am-pidinana, dia fantatrao izay Nolazainy taminao; ary nolazaiko anao tao amin’ilay trano, indray andro? Izay ilay izy, Roy. Aza manahy intsony, anaka. Nifarana ilay izy.

²⁴ Tsy fantatrareo fotsiny ny dikan’izany! Fahasoavana izany. Tia anareo Izy. Ary ianareo tia Azy, tomtoy am-panetre-tena Izy ary mivavaha Aminy amin’ny andronareo sisa. Aoka ho sambatra, mandrosoa ary miaina arak’izay maha-izy anareo. Raha sambatra ianareo, dia manohiza tahaka an’izany. Aza manao zavatra ratsy intsony indray, tahaka an’izany. Mandrosoa fotsiny. Ny fahasooavan’Andriamanitra izany.

²⁵ Ankehitriny dia te-hivavaka indray aho alohan’ny hidirantsika amin’ny Teny. Firy no hivavaka ho ahy? Izaho dia mandeha mitety favoriana fotsiny. Hivavaka ve ianareo?

Fantatrareo, tiako ny hihira hira kely iray ho anareo, isika rehetra miaraka, alohan’ny handrosoantsika amin’ny Teny. Izao fotsiny...mba hahafantarantsika an’Andriamanitra... Fanoloran-tena kely fotsiny. Efa mba renareo ve ity hira kely ity, *Miahy Anao Izy*? “Na andro mihiratra na alahelo, miahy anao Izy.”

²⁶ Manatona ny piano ilay ramatoa kely. Hono ho’aho, izaho dia te-hisaotra an’ity ramatoa kely ity, ihany koa. Tsy fantattro mihitsy aza hoe iza izy. Izy dia iray amin’ireo zanakavavin’ny diakona eto. Izaho marina tokoa...Zazavavy kelin-dRahalahy Wheeler. Niha-lehibe izy ankehitriny. Zavatra bitika kely iray izy tamin’izany izay nipetraka teo amin’ny lohaliko, vao tsy ela akory izay, nefo ankehitriny dia vehivavy tanora iray izy. Noho izany dia misaotra azy marina tokoa aho fa nampiasa ny talentany ao amin’ny mozika izy, ary ankehitriny dia mitendry tena mora tokoa izy. Hanome anay an’ilay feon-kira ve ianao, ranabavy? Isika rehetra miaraka ankehitriny.

Miahy anao Izy,
Miahy anao Izy;
Na andro mihiratra na maloka,
Miahy anao Izy.

Tianareo ve izany? Ndao isika hihira an’izany indray, ny rehetra miaraka.

Miahya anao Izy,
 Miahya anao Izy;
 Na andro mihiratra na maloka,
 Miahya anao Izy.

Rahalahy Dauch, Izy dia miahya anao, ihany koa, rahalahy. Tsy tia Azy ve ianareo? [Hoy ny fiangonana hoe, "Amena."—Mpand.]

Ndao isika hanondrika ny lohantsika ankehitriny.

²⁷ Andriamanitra Mpiahya malala, miaraka amin'ity naoty kely an'ireo zavatra vitsy ho lazaina amin'ny olona eto ity, ary miverina indray mba hitodika amin'ny aninkeo maraina, izay nahatongavan'ny olona hihaino. Mivavaka aho, Andriamanitra, mba Hamelanao ny olona hahita fa tia Andriamanitra ary miahya. Ary tsy izaho no nanome an'Izany, Tompo, izany dia voaporofa izany no Fahamarinana. Koa mivavaka aho, Andriamanitra Malala, mba hijanonan'ny Fitavanao foana eo anivon'ny olona. Izao hariva izao, raha tsy maintsy hisaraka aorian'ity favoriana ity ka handeha any amin'ireo tranonay samihafa, izany—izany dia misintona kely anay, ny sasany, lalina, Tompo. Mivavaka aho mba Hitahianao an'ireto olona ireto.

²⁸ Ankehitriny raha manatona ny Teny izahay, ao anatin'ny vavaka, ary manatona an'ilay Teny voasoratra, dia mangataka izahay mba Handraisanao an'ity Teny voasoratra ity ary hanao Azy ho velona aminay izao hariva izao. Ary rehefa handao an'ity tranobe ity izahay izao hariva izao mba hisaraka sy handeha any amin'ny tranonay samihafa, dia enga anie izahay hilaza tahaka an'ireo izay avy tany Emaosy, izay nandeha niaraka Taminy ny tontolo andro nefo tsy mbola nahafantatra Azy foana; fa rehefa niditra tao anatin'ilay efitra Izy tamin'io hariva io, ka nikatona daholo ny varavarana, dia nanao zavatra iray tahaka ny Nataony talohan'ny Fanohomboany Izy. Tamin'ny alàlan'izany, no nahafantar'an'izy ireo fa nitsangana indray Izy.

Ataovy indray izany izao hariva izao, Tompo. Ekeo izany, raha mbola mikatona ireo varavarana, ka mipetraka eto ilay Andiany kelinao, miandry. Ary, Ray, rehefa handeha ho any an-tranonay izahay, dia hilaza tahaka ny nataon'izy ireo izahay hoe, "Tsy nangorakoraka tao anatintsika ve ny fontsika raha niresaka tamintsika teny an-dàlana Izy!" Apetrakay ny tenanay, sy ny rehetra, ho eo an-Tananao, Tompo. Ataovy aminay izay Hitanao fa mety. Amin'ny Anaran'i Jesosy. Amen.

²⁹ Ankehitriny dia ndao isika hiditra avy hatrany ao amin'ny fotoana ankehitriny, haingana. Mamadika miaraka amiko, raha sitrakareo, ao amin'ny Bokin'ny Hebreo, ary fanambarana hafa iray eo amin'ny Hafatra. Hiresaka mandritry ny fotoana vitsy isika izao hariva izao, raha sitraky ny Tompo. Ary avy eo rehefa avy mamaky ny andininy telo voalohany an'ny Hebreo 7:1 hatramin'ny 3, dia hanazava eo amin'izany. Ary isika tsy

mahafantatra izay hataon'ny Tompo; tsy mahafantatra isika. Ny zavatra tokana ataontsika dia ny mino fotsiny, miambina, mivavaka. Marina ve izany? Ary mino fa “Izy no hanao ny zavatra rehetra miara-miasa hahasoa an'ireo izay tia Azy,” satria Izy no nampanantena fa hanao.

Fa io Melkizedeka io, mpanjakan'i Salema, mpisoron'Andriamanitra avo indrindra, izay nitsena an'i Abrahama niverina avy namono an'ireo mpanjaka, ka nitso-drano azy;

Taminy ihany koa no nanomezan'i Abrahama ny ampahafolon'ny anjara rehetra; voalohany raha adika dia Mpanjakan'ny fahamarinana, ary aorian'izany koa dia Mpanjakan'i Salema, izany hoe, Mpanjakan'ny fiadanana;

Ndaô isika hamaky lavidavitra kely.

Tsy manan-dray, tsy manan-dreny, tsy manana tantaram-pirazanana,...na dia voalohan'andro akory aza, na faran'ny fiainana; fa natao tahaka ny Zanak'Andriamanitra; mitoetra ho mpisorona mandrakariva.

³⁰ Eritrereto io Olona lehibe io, ny amin'ny hoe tsy maintsy ho lehibe toy ny ahoana io Lehilahy io! Ary ankehitriny, ny fanontaniana dia hoe, “Iza io Lehilahy io?” Nanana hevitra samihafa ireo teolojiana. Saingy hatramin’ny nanokafana an’ireo Tombokase Fito, ilay Boky niafina izay niafina tamintsika...Araka ny Apokalypsy 10:1 ka hatramin’ny 7, ireo zava-miafina rehetra izay voasoratra ato amin’ity Boky ity, izay nafenina nandrity ny taonan’ireo mpanavao, dia natao ho voaseho miharihary amin’ny alàlan’ilay anjelin’ny taonan’ny fiangonana farany. Firy no mahafantatra fa marina izany? [Hoy ny fiangonana hoe, “Amena.”—Mpand.] Marina izany, natao ho voaseho. Ireo zava-miafina rehetra an’ilay Boky niafina dia natao ho voambara amin’ilay irak’i Laodikia an’io taona io.

³¹ Eo am-pahitana fa maro ireo fifamaliana mikasika an’io Olona io sy ity lohahevitra ity, dia neveriko fa mety amintsika ny miditra ao amin’izany, mba hahita hoe Iza io. Ankehitriny, dia misy betsaka ireo sekolim-pisainana ny Aminy.

Ny anankiray amin’ireo sekoly ireo dia, milaza hoe, “Angano iray fotsiny Izy. Tsy tena olona iray tokoa Izy.”

Ary ireo sasany dia milaza, fa, “Izany dia asam-pisoronana iray. Izany dia asam-pisoronan'i Melkizedeka.” Io no anankiray saiky tena mitovy aminy, ilay mihazona an’io lafiny io no tsaratsara kokoa noho ireo izay mihazona ny iray hafa, satria milaza izy ireo fa asam-pisoronana iray izany.

Tsy mety ho izany io, satria ao amin’ny andininhy faha-4 dia milaza Izany fa Izy dia Olona iray, “Lehilahy.” Noho izany, mba

haha-Olona iray, dia tsy maintsy ho ny maha-olona iray Izzy, “Lehilahy.” Tsy lamina iray; fa Olona iray! Noho izany dia tsy lamina asam-pisoronana iray fotsiny Izzy, na hoe angano iray koa Izzy. Olona iray Izzy.

³² Ary ilay Olona dia Mandrakizay. Raha mahamarika ianareeo hoe, “Tsy nanan-dray Izzy. Tsy nanan-dreny Izzy. Tsy nanana andro Nanombobhany mihitsy Izzy. Ary tsy nanana andro Niafarany mihitsy Izzy.” Ary na Iza ilay izy dia mbola velona foana izao hariva izao, satria ny Baiboly no nilaza eto, hoe, “Tsy nanana Izzy na ray, na reny, fiandohan’andro, na fiafaran’ny fiainana.” Koa Izany dia tsy maintsy ho Olona Mandrakizay. Marina ve izany? [Hoy ny fiangonana hoe, “Amena.”—Mpand.] Olona Mandrakizay iray! Koa tsy mety afa-tsy ho Olona anankiray fotsiny izany, Andriamanitra izany, satria Izzy no hany Tokana izay Mandrakizay. Andriamanitra!

³³ Ankehitriny, ao amin’ny Timoty Voalohany 6:15 sy 16, raha tianareeo ny hamaky an’izany indray andro, tiako ianareeo hamaky an’izany.

Ankehitriny, ny zavatra izay amafisiko dia, hoe, Andriamanitra Izzy, satria Izzy ireny ihany no Olona izay afaka ny tsy ho mety maty. Ary ankehitriny, Andriamanitra dia manova ny Tenany ho Olona; izany no naha-izy Azy, “Tsy nisy ray, tsy nisy reny, tsy nisy fiandohan’ny fiainana, tsy nisy fiafaran’andro.”

³⁴ Ankehitriny dia hitantsika ao anatin’ny Soratra fa olona maro be no mampianatra hoe, “maha-olona telo no ao amin’ny maha-Andriamanitra.” Nefa, ianareeo dia tsy afaka manana ny maha-olona iray raha tsy efa olona iray. Mila olona iray hanaovana ny maha-olona.

Mpitoriteny Batista iray, herinandro vitsy lasa izay, no tonga, ary tao an-tranoko, ka nanao hoe, “Tiako ny hanitsy anao eo amin’ilay maha-Andriamanitra indray andro rehefa manana fotoana ianao.” Niantso ahy izy, raha ny marina.

³⁵ Hoy aho hoe, “Manana fotoana aho izao ankehitriny izao, satria te-ho voahitsy aho, dia esorintsika ny zavatra sisa rehetra, hanaovana an’izany.”

Dia tonga izy, ary hoy izy hoe, “Rahalahy Branham, ianao dia mampianatra fa Andriamanitra iray ihany no misy.”

Hoy aho hoe, “Eny, tompoko.”

Hoy izy hoe, “Eny,” hoy izy, “Izaho dia mino fa Andriamanitra iray ihany no misy, saingy Andriamanitra iray ao amin’ny Olona telo.”

Hoy aho hoe, “Tompokolahy, avereno indray hoe izany.”

Hoy izy hoe, “Andriamanitra iray, ao anatin’ny Olona telo.”

³⁶ Hoy aho hoe, “Sekoly taiza no nandehananao?” Hitanareo? Dia nolazainy tamiko ny—ny kolejy Biblika iray. Hoy aho hoe, “Azoko inoana izany. Tsy afaka ho olona iray ianao raha tsy efa maha-olona iray. Ary raha maha-olona iray ianao, dia maha-olona iray ao amin’ny tenanao. Ianao dia vatana iray voasaraka, tokana.”

Dia hoy izy hoe, “Eny, ireo teolojiana dia tsy afaka manazava an’izany akory aza.”

Hoy aho hoe, “Amin’ny alàlan’ny fanambarana izany.”

Dia hoy izy hoe, “Tsy afaka manaiky ny fanambarana aho.”

³⁷ Hoy aho hoe, “Noho izany dia tsy misy fomba mba hahafahan’Andriamanitra hiseo aminao mihitsy, satria, ‘Izany dia miafina amin’ny mason’ny mahay sy manampahalalana, fa voambara amin’ireo zaza madinika,’ voambara, fanambarana, ‘voambara amin’ireo zaza madinika izay tena hanaiky azy, hianatra.’” Dia hoy aho hoe, “Tsy hisy fomba hiseoan’Andriamanitra aminao mihitsy; ianao no manidy ny tenanao Aminy.”

Ny Baiboly manontolo dia fanambaran’Andriamanitra. Ny Fiagonana manontolo dia miorina eo ambonin’ny fanambaran’Andriamanitra. Tsy misy fomba hafa hahafantarana an’Andriamanitra, fa amin’ny alàlan’ny fanambarana irery ihany. “Amin’izay sitraky ny Zanaka hanambarana Azy.” Fanambarana; ny zavatra rehetra dia fanambarana. Noho izany, ny man... Ny tsy manaiky ny fanambarana, dia teolojiana mangatsiaka fotsiny ianareo amin’izay fotoana izay, ary tsy misy fanantenana ho anareo intsony.

³⁸ Ankehitriny, ankehitriny, dia hitantsika fa io Olona io “dia tsy nanana ray, tsy nanana reny, tsy nanana fiandohan’andro na fiafaran’ny fiainana.” Andriamanitra izany, *en morphe*.

Ankehitriny, izao tontolo izao, ilay teny dia tonga, ilay teny Grika, izay midika hoe, “miova,” no nampiasaina. Manova ny Tenany, *en morphe*, avy amin’ny Olona iray mankany amin’ny... olona iray; ny teny Grika eto, *en morphe*, dia midika... Izany dia nalaina avy tamin’ilay tantara an-tsehatra, izay nisy olona iray nanova ny saron-tavany, mba hanao azy ho olona hafa iray.

³⁹ Tahaka ny tao amin’ny—tao amin’ny sekoly, vao tsy ela mihitsy, mino aho, Rebekah, talohan’ny nahazoany diplaoma mihitsy, dia nanana ny iray tamin’ireo lalaon’i Shakespeare izy ireo. Ary tovolahy iray no tsy maintsy nanova ny akanjony imbetsaka, satria nilalao ampahany roa na telo samihafa izy; saingy, ilay olona iray ihany. Nivoaka izy, indray mandeha, dia ilay ratsy tarehy izy; ary rehefa nivoaka izy tamin’ny fotoana manaraka, dia olona iray hafa izy. Ary ankehitriny ny teny Grika, *en morphe*, dia midika fa izy “dia nanova ny saron-tavany.”

⁴⁰ Ary izany no nataon'Andriamanitra. Ilay Andriamanitra iray ihany foana izany. Andriamanitra ao amin'ny endriky ny Ray, ny—ny Fanahy, ny Andry Afo. Ilay Andriamanitra iray ihany no tonga nofo ka nonina teo anivontsika, *en morphe*, niseho mba ho afaka ho hita Izzy. Ary ankehitriny io Andriamanitra io ihany no Fanahy Masina. Ray, Zanaka, Masina...fa tsy Andriamanitra telo; andraikitra telo, asa telon'Andriamanitra anankiray.

⁴¹ Hoy ny Baiboly hoe, “Andriamanitra iray no misy,” fa tsy telo. Fa toy izany no tsy nahafahan’izy ireo...Tsy afaka manao an’ity hahitsy ianareo ka hanana Andriamanitra telo. Tsy hivarotra an’izany amin’ny Jiosy iray mihitsy ianareo. Ho lazaiko aminareo izany. Ny anankiray izay mahafantatra tsaratsara kokoa, dia fantany fa Andriamanitra anankiray ihany no misy.

⁴² Mariho, tahaka ny sokitra, izy dia manafina, miaraka amin’ny—ny saron-tava iray eo ambonin’izany. Izany no nataon'Andriamanitra ho an’izao taona izao. Nafenina izany. Ireto zavatra rehetra ireto dia nafenina, ary natao ho voambarana amin’izao taona izao. Ankehitriny, ny Baiboly dia milaza fa ho voambarana izy ireo amin’ny fotoana farany. Izany dia tahaka ny mpanao sokitra iray mihazona ny—ny ampanahan’asany ho voasarona tanteraka mandra-pahatongan’ny fotoana hanesorana an’ilay saron-tava eo amin’izany dia io ilay izy.

Ary tahaka an’izany ny Baiboly. Izany dia efa asan'Andriamanitra izay voasarona. Ary Izany dia nafenina hatramin’ny fanorenana an’izao tontolo izao, sy ireo Zavamiafiny fito sosona. Ary Andriamanitra no nampantanena amin’izao andro izao, amin’ny taonan’ity fiangonana Laodikia ity, fa hanala ny saron-tava eo amin’ilay zavatra manontolo Izzy ary afaka hahita an’Izany isika. Zavatra be voninahitra toy ny inona!

⁴³ Andriamanitra, *en morphe*, misaron-tava ao anatin’ny Andry Afo. Andriamanitra, *en morphe*, ao anatin’ny Lehilahy iray antsoina hoe Jesosy. Andriamanitra, *en morphe*, ao amin’ny Fiangonany. Andriamanitra eo ambonintsika, Andriamanitra miaraka amintsika, Andriamanitra ao anatintsika; ilay fietren'Andriamanitra.

Tany Ambony tany, masina, tsy nisy olona afaka nikasika Azy, dia nipetraka teo ambonin’ny tendrombohitra Izzy; ary na dia biby iray aza no nikasika an’ilay tendrombohitra, dia tsy maintsy maty.

Ary avy eo dia nidina Andriamanitra ary nanova ny Tranolainy, ary nidina ka niaina niaraka tamintsika, lasa isantsika. “Ary nikasika Azy izahay,” hoy ny Baiboly. Timoty Voalohany 3:16, “Iaraha-manaiky mihitsy fa lehibe ny zavamiafina ny amin’ny toe-panahy araka an’Andriamanitra; fa Andriamanitra dia naseho tao amin’ny nofo, azo notsapain-tanana.” Andriamanitra nihinana hena. Andriamanitra nisotro

rano. Andriamanitra natory. Andriamanitra nitomany. Isantsika Izy. Mahafinaritra, natao tandindona ao amin'ny Baiboly!

Izany no Andriamanitra eo ambonintsika; Andriamanitra miaraka amintsika; ankehitriny dia Andriamanitra ao anatintsika, ny Fanahy Masina. Tsy hoe Olona fahatelo; ilay Olona iray ihany!

⁴⁴ Nidina Andriamanitra ary tonga nofo, ary maty tamin'ny fahafatesana, tao amin'i Kristy; mba Hahafahany manadio an'ilay Fiagonana, mba hidirana ao anatin'izany, ho an'ny fiombonana. Tia fiombonana Andriamanitra. Izany no antony Nanaovany ny olona tamin'ny voalohany, dia ho an'ny fiombonana; mitoetra irery Andriamanitra, miaraka amin'ireo Kerobima.

⁴⁵ Ary mariho ankehitriny, nanao ny olona Izy, ary lavo ny olona. Koa dia nidina Izy ary nanavotra ny olona, satria Andriamanitra dia tia ny hotompoina. Ny teny hoe *andriamanitra* dia midika hoe "zavatra tomponia."

Ary ilay tonga eo anivontsika, tahaka ny Andry Afo iray, tahaka ny zavatra iray izay manova ny fontsika, dia izany ilay Andriamanitra iray ihany izay nanao hoe, "Aoka hisy mazava," dia nisy mazava. Izy no tsy miova omaly, anio, ary mandrakizay.

⁴⁶ Ankehitriny, tamin'ny voalohany Andriamanitra dia nitoetra irery, niaraka tamin'ireo Toetrany, araka ny nolazaiko aninkeo maraina. Ireo Fisainany izany. Tsy nisy na inona na inona, Andriamanitra irery fotsiny, saingy nanana an'ireo fisainana Izy.

Tahaka ny hahafahan'ny mpanao tao-trano lehibe iray mieritreritra, ao an-tsainy, ka manao sary an'izay heveriny fa-fa haorina. Mamorona, ankehitriny, tsy afaka mamorona izy. Afaka maka zavatra anankiray izay efa noforonina izy ary manao an'izany amin'ny endrika iray hafa; satria Andriamanitra no lèlana tokana...hany Tokana afaka mamorona. Saingy izy dia manana ao an-tsainy an'izay hataony, ary izany no fisainany, izany no faniriany. Ankehitriny dia fisainana iray izany, ary avy eo dia teneniny izany, ary dia teny iray izany avy eo. Ary ny—ny teny dia . . .

⁴⁷ Ny fisainana iray, rehefa voalaza izany, dia teny iray izany. Ny fisainana iray voalaza dia teny iray, saingy tsy maitsy ho fisainana iray aloha ilay izy. Noho izany, dia toetran'Andriamanitra izany; avy eo dia lasa fisainana iray izany, avy eo teny iray.

⁴⁸ Mariho. Ireo izay manana, izao hariva izao, ny Fiainana Mandrakizay, dia efa niaraka Taminy ary tao Aminy, tao amin'ny Eritreriny, talohan'ny nisian'ny Anjely iray akory aza, kintana, Kerobima, na zavatra hafa. Izany no Mandrakizay. Ary raha manana ny Fiainana Mandrakizay ianareo, dia efa nisy

hatramin'izay ianareo. Tsy ilay vatanareo eto, fa ilay toe-batana sy endrika izay ilay Andriamanitra tsi-manam-petra . . .

⁴⁹ Ary raha tsy tsi-manam-petra Izy, dia tsy Andriamanitra Izy. Tsy maintsy ho tsi-manam-petra Andriamanitra. Isika dia manam-petra; Izy no tsi-manam-petra. Ary Izy no manerana, faratampon'ny fahaizana, ary faratampon'ny hery. Raha tsy izany Izy, amin'izay fotoana izay dia tsy mety ho Andriamanitra Izy. Mahafantatra ny zavatra rehetra, ny toerana rehetra, nohon'ny maha-manerana Azy. Ny faratampon'ny fahaizana no manao Azy ho manerana. Vatana iray Izy; tsy tahaka ny rivotra Izy. Vatana iray Izy; mitoetra ao anatin'ny trano iray Izy. Fa amin'ny maha-faratampon'ny fahaizana, mahafantatra ny zavatra rehetra, no manao Azy ho manerana, satria Fantany ny zavatra rehetra izay miseho.

Tsy mety hisy parasy iray manakimpy ny masonry raha tsy efa Fantany izany. Ary efa Fantany talohan'ny nisian'ny tany iray izany, hoe impiry izy no nanakimpy ny masonry, sy hoe firy ny jabora ananany ao anatin'izany, talohan'ny nisian'ny tany iray mihitsy. Izany no tsi-manam-petra. Tsy afaka hahazo an'izany ao amin'ny saintsika isika, fa izany Andriamanitra. Andriamanitra, tsi-manam-petra!

⁵⁰ Ary tsarovy, ianareo, ny masonareo, ny tsangananareo, na inona ianareo na inona, ianareo dia efa tao amin'ny Eritreriny tany amin'ny voalohany. Ary ny zavatra tokana izay maha-izy anareo dia ilay fanehoana, teny. Taorian'ny Nisainany an'izany, dia Noteneniny izany, ary io ianareo io. Raha tsy izany ilay izy, raha tsy efa tao anatin'ny Eritreriny ianareo, dia tsy misy fomba mihitsy hahatonga anareo any, satria Izy no Tokana izay manome ny Fiainana Mandrakizay.

⁵¹ Tsaroanareo ve hoe ahoana no namakantsika an'ireo Soratra? "Tsy ho an'izay maniry, na izay mihazakazaka, fa Andriamanitra!" Ary mba hahafahan'ny Fifidianany mialoha hijoro ho marina, dia afaka nifidy Izy, talohan'ny fotoana mihitsy, hoe iza. Andriamanitra dia masi-mandidy ao amin'ny Fifidianany. Efa fantatrareo ve izany? Andriamanitra dia masi-mandidy.

Iza no tany ka niteny Taminy fomba iray tsaratsara kokoa hanaovana an'izao tontolo izao? Iza no sahy niteny Taminy fa tsy tsara no Nitondrany ny Asany?

Na dia ilay tena—ilay Teny aza, Izy tenany, dia tena masi-mandidy. Na dia ny fanambarana aza dia dia masi-mandidy. "Izy no manambara amin'izay Tiany hanambarana." Ilay tena fanambarana, izy tenany, dia masi-mandidy ao amin'Andriamanitra. Izany no mahatonga ny olona mamely eo amin'ireo zavatra, sy mitsambikina eo amin'ireo zavatra, ary mikapoka eo amin'ireo zavatra, tsy mahafantatra izay ataony. Andriamanitra dia masi-mandidy ao amin'ireo Asany.

⁵² Ankehitriny dia mahita Azy isika tany amin'ny voalohany, ireo Toetrany. Ary, ankehitriny, dia niaraka Taminy ianareo tamin'izany fotoana izany. Amin'izay fotoana izay no tonga miharihary ilay Bokin'ny Fiainana.

Ankehitriny, dia mamaky isika eto ao amin'ny Apokalypsy ny toko faha-13, ny andininy faha-8, fa, "Ilay bibidia izay tonga eto ambonin'ny tany," amin'izao andro farany izao, "dia hamitaka ny olona rehetra eto an-tany izay tsy voasoratra tao anatin'ny Bokin'ny Fiainan'ny Zanak'ondry ny anarany talohan'ny fanorenana an'izao tontolo izao."

⁵³ Eritrereto izany! Talohan'ny nahaterahan'i Jesosy mihitsy, efatra arivo taona talohan'ny Nahatongavany teto an-tany, ary arivo taona maro talohan'ny nahatongavanareo teto an-tany; Jesosy, tao amin'ny fisainan'Andriamanitra, dia efa maty ho an'ny fahotan'izao tontolo izao, ary efa vita ilay Bokin'ny Fiainana, ka efa napetraka tao amin'io Bokin'ny Fiainana io ny anaranareo talohan'ny fanorenana an'izao tontolo izao. Izany no Fahamarinan'ny Baiboly. Hitanareo, ny anaranareo dia efa voalahatr'Andriamanitra ary voapetraka tao amin'ny Bokin'ny Fiainana talohan'ny fanorenana an'izao tontolo izao.

⁵⁴ Tao anatin'ireo Toetrany ianareo. Tsy tsaroanareo izany, tsia, satria ampanhan'ny Fiainany fotsiny ianareo. Ampahan'Andriamanitra ianareo rehefa lasa zanakalahy na zanakavavin'Andriamanitra ianareo.

Tahaka anareo ampanhan'ny rainareo eto an-tany fotsiny! Marina izany. Ampahany ianareo. Ny lahy no mitondra ny selandrà, ny rà. Ary rehefa miditra ao amin'ilay—ao amin'ilay atody izany, amin'izay fotoana izay dia lasa ampanhan'ny rainareo ianareo; ary ny reninareo dia ampanhan'ny rainareo, ihany koa; noho izany ianareo rehetra dia ampanhan'ny rainareo.

Voninahitra! Izany no manilika an'ilay anaram-piagonana, manontolo. Ah-hah. Manilika tanteraka izany! Andriamanitra, ao amin'ny rehetra, no toerana tokana!

⁵⁵ Mariho ankehitriny ilay Toetrany. Noho izany ny toetra dia, voalohany, Andriamanitra; ilay fisainana, ilay toetra izy tenany, izy rehetra tao amin'ny Anankiray, tsy mbola voaseho. Avy eo rehefa naneho Izy, faharoa, dia lasa ny Teny Izy. "Ary avy eo ny Teny dia tonga nofo ary nonina teo anivontsika."

⁵⁶ Masindahy Jaona ny toko faha-1 sy ny andininy faha-1, mariho, izao izany, "Tamin'ny voalohany." Fa, talohan'izany, dia ny Mandrakizay! Mariho, "Tamin'ny voalohany ny Teny." Rehefa nanomboka ny fotoana, dia Teny ilay izy. Talohan'ny naha-Teny azy, dia toetra izany, fisainana iray. Avy eo dia voaseho izany, "Tamin'ny voalohany dia," ilay fanehoana, "ny Teny."

Ankehitriny dia tonga eo amin'izay misy an'i Melkizedeka isika. Izany dia io Olona mahagaga io. "Tamin'ny voalohany ny Teny, ary ny Teny tao amin'Andriamanitra, ary ny Teny dia

Andriamanitra.” “Ary avy eo ny Teny dia tonga nofo ka nonina teo anivontsika.” Hazony eo io ankehitriny, mariho.

⁵⁷ Ny—Ny vatany voalohany dia Fanahy, Andriamanitra, ivelan’ny voajana hary, eny ary, ilay Mandrakizay lehibe. Faharoa, nanomboka nanao ny Tenany nankany amin’ny nofo Izzy, tao anatin’ny *teofania*, izany dia nantsoina hoe “ny Teny; vatana iray.” Io no toerana nisy Azy tamin’izany rehefa nihaona tamin’i Abrahama Izzy, ka nantsoina hoe Melkizedeka. Tao anatin’ny endrika teofania Izzy. Ankehitriny dia ho tonga eo amin’izany isika ary hanaporofo an’izany ao anatin’ny fotoana fohy, raha sitraky ny Tompo. Izzy no Teny.

⁵⁸ Ny teofania dia zavatra iray izay tsy mety ho hitanareo. Mety ho eto mihitsy izany izao ankehitriny izao, kanefa tsy mety hahita azy ianareo.

Izany fotsiny dia tahaka ny, eny, tahaka ny televiziona. Ao anatin’ny faritra iray hafa izany. Televiziona; ny olona dia mihetsika mihitsy manerana an’ity efitra ity ankehitriny, mihira; misy ireo loko, ihany koa. Fa ny maso dia natao fotsiny ho an’ireo taovam-panamboloana dimy... Ny vatanareo manontolo dia natao fotsiny ho an’ireo taovam-panamboloana dimy, raha ny marina. Ary ianareo dia natao fotsiny ho eo amin’izay namerana ny fahitana hahita. Saingy misy faritra hafa anankiray izay mety hita amin’ny alàlan’ny fanovàna iray, amin’ny alàlan’ny televiziona.

⁵⁹ Ankehitriny, ny televiziona dia tsy manamboatra sary iray. Ny televiziona dia mandefa an’izany fotsiny amin’ny fantsona mankao amin’ny lèlana iray, ary avy eo dia mandray an’izany ny fitaratr’ilay televiziona. Fa ny sary dia eo, hatrany amboalohany. Efa teto ny televiziona rehefa teto i Adama. Efa teto ny televiziona rehefa nipetraka teo amin’ny Tendrombohitra Karmela i Elia. Efa teto ny televiziona rehefa nandeha teny amoron’i Galilia Jesosy avy any Nazareta. Fa izao ankehitriny izao fotsiny vao fantatrareo izany. Tsy hino an’izany izy ireo tany. Ho adala ianareo raha nilaza zavatra iray tahaka an’izany. Fa ankehitriny dia lasa zava-misy iray izany.

Ary toy izany koa ilay izy, hoe eto Kristy, eto ireo Anjelin’Andriamanitra. Ary indray andro any, ao amin’ilay Arivo taona lehibe izay ho avy, dia hanoatra noho ny televiziona mihitsy izany na zavatra hafa iray, satria eto izy ireo.

⁶⁰ Manambara ny Tenany Izzy ao amin’ny Endriny lehibe izay Nolazainy, rehefa manao ny Tenany *en morphe* Izzy ao amin’ireo Mpanompony ary manaporofo ny Tenany.

⁶¹ Ankehitriny, indro Izzy ao amin’ny endrika Fanahy. Ary avy eo Izzy dia tonga ao amin’ny endriky ny... ny *en morphe*. Ankehitriny, dia niseho tamin’i Abrahama Izzy, *en morphe*. Rehefa niverina avy namono an’ireo mpanjaka i Abrahama, dia indro tonga i Melkizedeka, niresaka Taminy.

⁶² Indray andro tao amin'ny gazetin'i Tucson, dia namaky lahatsoatra iray aho izay nisy ny—ny vehivavy iray namily fiara teny an-dàlana, mino aho fa teo amin'ny efapolo, dimampolo maily isan'ora, ary nandona lehilahy antitra iray nanao pardesy izy. Nihiaakiaka izy ary nanajanona ny fiarany. Nampipitika azy ambony ilay izy. Tao afovoan'ilay tany efitra mihitsy! Ary nihazakazaka niverina izy mba hijery azy, nefo tsy teo izy. Koa inona no nataony? Ireo olona sasany taoriany dia nahita an'izany nitranga, nahita an'ilay lehilahy antitra nippitika teny ambony, sy ny pardesiny nihodinkodina. Noho izany dia nihazakazaka niverina izy ireo mba hijery. Tsy nety nahita an'ilay lehilahy izy ireo na taiza na taiza. Niantso ny tafiky ny polisy izy ireo. Tonga ny polisy mba handinika an'ilay toerana; tsy nisy olona teo.

⁶³ Eny, ny tsirairay avy tamin'izy ireo dia njoro vavolombelona hoe, "Niainga ilay fiara, nandona an'ilay lehilahy. Niakatra teny amin'ny habakabaka izy, ary ny olona rehetra dia nahita an'izany." Vavolombelona, ary fiara roa na telo tamin'izy ireo, nahita an'izany nitranga izy ireo. Avy eo dia fantatra, dimy taona lasa izay, fa nisy lehilahy antitra iray nanao pardesy, voadona ary maty teo amin'ilay toerana iray ihany.

Rehefa miala eto ianareo, dia tsy maty ianareo. Tsy maintsy hiverina ianareo, na dia mpanota iray aza ianareo, ary ho tsaraina arak'ireo asa vita tao amin'ny vatana. "Raha ravàna ity tabernakelin'ny tany ity, dia manana anankiray izay miandry isika." *En morphe*, izay ilay teny.

⁶⁴ Ankehitriny, Andriamanitra, ao amin'io dingan'ny . . . Io no dingan'ny Famoronany, natao tao anatin'ny nofo taty aorianea, Jesosy. Avy amin'ny inona? Avy amin'ilay fiandohana lehibe, Fanahy, avy eo dia nidina mba ho ny Teny, nameoka ny Tenany. Tsy mbola manao ny Tenany ilay Teny, voateny fotsiny izany, *en morphe*, taty aorianea dia lasa nofo Izzy, Jesosy, mety maty, mba hanandrana ny fahafatesana ho antsika mpanota rehetra.

⁶⁵ Rehefa nihaona Taminy i Abrahama, dia Melkizedeka Izzy. Asehony eto hoe toetra inona daholo no hataony amin'ilay fiafarana farany, ny zanak'i Abrahama rehetra. Ny zanaky ny Finoana rehetra dia hanao tanteraka tokoa an'ilay zavatra mitovy. Fa tiako ny handinika hoe ahoana no tokony hahatongavantsika.

⁶⁶ Izao koa, hitantsika Izzy eto voambara ao amin'i Rota sy—sy Boaza, toy ny Havana Mahavotra iray, hoe ahoana no tsy maintsy Nahatongavany ho lasa nofo.

⁶⁷ Ankehitriny dia hitantsika fa ilay toetra, ireo zanaky ny Fanahiny, dia tsy mbola niditra tao amin'ilay vatan'ny endrika-Teny. Fa, teofania iray; ity vatana ity dia manaiky ny Teny sy ny antoka, miandry an'ilay antoka, ny fanovana ny vatana.

⁶⁸ Ankehitriny, ny fahasamihafana eo Aminy sy ianareo, amin'ny maha-zanaka. Hitanareo, Izzy dia, tany amin'ny

voalohany, ny Teny, vatana iray *en morphe*. Tonga Izy ary nivelonan tao anatin'io, tao amin'ilay Olona Melkizedeka. Avy eo, taty aoriana, dia tsy nandre an'i Melkizedeka intsony mihitsy isika, satria lasa Jesosy Kristy Izzy. Melkizedeka dia ilay Mpisorona, saingy lasa Jesosy Kristy Izzy. Ankehitriny, nihodinanareo izany. Satria, tao amin'io endrika io, dia nahafantatra ny zavatra rehetra Izzy, fa ianareo tsy mbola afaka nahafantatra an'izany.

Tonga tahaka an'i Adama ianareo, tahaka ahy, ianareo dia niala avy tao amin'ilay toetra ho amin'ny nofo, mba halaim-panahy. Fa rehefa tapitra ity fiainana eto ity, "Raha ravàna ity tabernakelin'ny tany ity, dia manana anankiray izay efa miandry isika." Izany no handehanantsika; izany no Teny. Avy eo dia afaka mijery any aoriana isika ka mahita an'izay nataontsika. Ankehitriny dia tsy mahazo an'izany isika. Tsy lasa ny Teny mihitsy isika; lasa olona nofo fotsiny isika, fa tsy ny Teny.

⁶⁹ Fa, ary jereo, izany no manazava mazava tsara, fa ianareo dia tsy ho lasa ny Teny mihitsy raha tsy efa fisainana iray ianareo tany amin'ny voalohany. Izany no manaporofa an'ilay fifidianan'Andriamanitra mialoha. Hitanareo? Tsy mety ho lasa ny Teny ianareo raha tsy fisainana iray ianareo. Tsy maintsy ho efa tao amin'ilay eritreritra ianareo, aloha.

Fa, hitanareo, mba hiaretana ny fakam-panahy, dia tsy maintsy nihodina an'ilay teofania ianareo. Tsy maintsy nidina teto tao amin'ny nofo ianareo, mba halaim-panahy amin'ny fahotana. Ary avy eo, raha maharitra ianareo, "Izay rehetra nomen'ny Ray Ahy no hanatona Ahy, ary Izaho hanangana azy amin'ny andro farany." Hitanareo, tsy maintsy efa teo aloha ianareo.

⁷⁰ Ary avy eo, hitanareo, dia nidina avy hatrany Izzy, ilay laharana mahazatra, avy amin'ny toetra ho...Talohan'ny fanorenana an'izao tontolo izao, dia napetraka tao amin'ny Bokin'ny Fiainan'ny Zanak'ondry ny anarany. Avy eo, avy amin'io, dia lasa ny Teny Izzy, ilay teofania, izay afaka miseho, manjavona. Ary avy eo dia tonga nofo Izzy ary niverina indray, nanangana an'ilay vatana iray ihany tao amin'ny toeram-boninahitra.

Fa ianareo dia nihodina an'ilay teofania ary lasa olona nofo, mba halaim-panahy amin'ny fahotana. Ary avy eo, "Raha ravàna ity tabernakelin'ny tany ity, dia manana anankiray izay efa miandry isika." Tsy mbola manana an'ireo vatana isika.

⁷¹ Fa, jereo! Rehefa mandray ny Fanahin'Andriamanitra ity vatana ity, ilay Fiainana tsy mety maty ao anatinareo, izany no handefa an'ity vatana ity ao amin'ny fanekeena an'Andriamanitra. Haleloia! "Izay naterak'Andriamanitra dia tsy manota; tsy mahay manota izy." Romana 8:1, "Noho izany dia tsy misy fanamelohana ankehitriny ho an'ireo izay ao amin'i

Kristy Jesosy; tsy mandeha araka ny nofo izy ireo, fa araka ny Fanahy.” Eo ianareo izao. Hitanareo, izany no mandefa ny vatanareo hanaiky.

Tsy mila miteny ianareo hoe, “Oh, raha afaka mitsahatra tsy misotro fotsiny aho! Raha afaka fotsiny aho . . .” Midira fotsiny ao amin’i Kristy, dia ho lasa izany rehetra izany, hitanareo, hitanareo, satria ny vatanareo dia manaiky ny Fanahy. Tsy manaiky an’ireo zavatr’izao tontolo izao intsony izy; maty izy ireo. Maty izy ireo; ny fahotanareo dia nalevina tao amin’ny batisa, ary olom-baovao ao amin’i Kristy ianareo. Ary ny vatanareo, dia lasa manaiky ny Fanahy, miezaka ny hiaina karazam-piaianana tsara.

⁷² Tahaka anareo vehivavy izay milaza fa manana ny Fanahy Masina ianareo, nefo mivoaka eto dia manao sorta sy ny sisa, ahoana no hahafahanareo manao an’izany? Ahoana no mba hahafahan’ny Fanahin’Andriamanitra hamela anareo hanao zavatra tahaka an’izany? Tsy mety fotsiny izao izany. Marina tokoa, tsy mety izany. Tsy fanahy ratsy iray Izzy; Fanahy masina iray Izzy.

⁷³ Ary amin’izay fotoana izay rehefa lasa manaiky an’io Fanahy io ianareo, dia izany no mandefa ny tenanareo manontolo hanaiky an’io Fanahy io. Ary io Fanahy io dia tsy inona eto amin’izao tontolo izao fa ity Teny Voa tonga voaseho ity, na novelombelomina, haleloia, tonga velona. Ary rehefa hoy ny Baiboly hoe, “Aza manao an’ity,” dia mitodika amin’Izany haingana ilay vatana. Tsy misy fanontaniana intsony.

Ary inona izany? Izany ilay antoky ny fitsanganana. Ity vatana ity dia hatsangana indray, satria efa nanomboka izany. Nanaiky ny fahotana izy taloha, sy ny fotaka mandrevo ary ny fahalòvana, fa ankehitriny kosa dia azony ilay antoka; nivadika ho an’ny Lanitra izany. Ankehitriny, izany ilay antoka fa handeha ho ao amin’ny Fampakarana ianareo. Izany ilay antoka.

⁷⁴ Mandry ny olona marary iray, eo am-pahafatesana, tsy misy afa-tsy ny fahafatesana sisa no tavela; izay ihany sisa no mety hitranga. Efa nahita ny alok’ireo olona aho, lanin’ny homamiadana sy raboka; ary hitako ireo olona ireo, taty aoriana kelin’izany, tena ara-dalàna tanteraka sy matanjaka. Raha tsy misy ny fanasitranana avy amin’Andriamanitra, amin’izay fotoana izay dia tsy misy ny fitsanganana, satria ny fanasitranana avy amin’Andriamanitra dia antoky ny fitsanganana. Amena!

⁷⁵ Fantatrareo ny atao hoe anto-bola, sa tsy izany? Izany dia ampaham-pandoavana. “Izy dia voalefona noho ny fahadisoantsika; ireo Dian-kapony no nahasitranana antsika.” Mariho hoe mahafinaritra toy ny ahoana! Tiantsika Izzy.

⁷⁶ Ankehitriny, ity vatana ity dia manaiky ny Fanahy. Tsy mbola niditra tao amin’ilay endrika Teny isika, fa mbola

ao amin'ilay endrika nofo foana, fa manaiky ny Teny. Ny fahafatesana ao amin'ny nofo no hitondra antsika eo.

⁷⁷ Zavatra mitovy mihitsy, eritrereto ny zaza kely iray. Afaka maka vehivavy iray ianareo, tsy mampaninona na ratsy toy ny inona aza izy, rehefa bevohoka izy ka ho lasa reny. Diniho, alohan'ny hahaterahan'io zazakely io, tsy ahoako na masiaka toy ny inona aza ilay reny, lasa tena tsara fanahy izy. Misy zavatra iray mikasika azy izay toa... toy ny hoe masina, ny mahita reny kely iray izay ho lasa reny iray, amin'ny alàlan'ilay zazakely. Nahoana izany? Io vatana kely io, ankehitriny, tsy mbola velona izy, hitanareo, ny zavatra tokana maha-izy azy dia nofo sy hozatra fotsiny. Ilay fitsambikinana kely, izany dia ireo hozatra mihetsika fotsiny. Fa rehefa mivoaka avy ao amin'ilay kibo izy, dia mitsoka fofon'aina ao amin'izany Andriamanitra, ary avy eo dia mihiakiaka izy. Hitanareo, tena azo—azo antoka tahaka ny fisian'ny vatana ara-nofo vita iray, dia misy koa ny vatana ara-panahy iray handray azy vantany vao tonga eto izy.

⁷⁸ Noho izany, rehefa nateraka indray ny olona iray, avy any an-Danitra, dia lasa zaza fanahy iray ao amin'i Kristy izy.

Ary, avy eo, rehefa mianjera ity akanjon'ny nofo ity, dia misy vatana ara-nofo iray, teofania, vatana iray tsy nataon-tànana, sady tsy nateraky ny vehivavy iray, izay handehanantsika.

Avy eo dia hiverina indray ity vatana ity ary handray an'ilay vatam-boninahitra.

Izany no antony nandehanan'i Jesosy tany amin'ny helo rehefa maty Izy, ary nitory teny tamin'ireo fanahy izay tao an-tranomaizina; niverina indray tao amin'io teofania io. Oh, mahafinaritra! Misaotra Andriamanitra!

⁷⁹ Korintiana Faharoa 5:1, "Raha ravàna ity vatan'ny tany ity, ity tabernakelin'ny tany ity, dia manana anankiray isika." Hitanareo, nihodina tamin'izany isika, mba ho tonga avy hatrany avy tamin'Andriamanitra, ilay toetra; mba ho tonga nofo, mba halaim-panahy sy ho zahan-toetra amin'ny alàlan'ilay fahotana, tahaka ny nataon'i Adama. Fa rehefa tapitra ilay fizahan-toetry ny Teniny, amin'izay fotoana izay dia entina eo amin'io vatana izay nomanina ho antsika talohan'ny fanorenana an'izao totolo izao io isika. Izany ilay Teny izay nodinganintsika, mba hahatongavana avy hatrany, eto ambany eto mba halaim-panahy sy ho zahan-toetra. Raha tonga tamin'ny alàlan'io isika, dia tsy ho nisy fakam-panahy; nahafantatra ny zavatra rehetra isika. Izany no antony nahafantar'an'i Jesosy ny zavatra rehetra, satria Izy dia Teny talohan'ny naha-nofo Azy. Avy eo dia lasa ny Teny isika.

⁸⁰ Eto isika dia natao ho endriky ny Teny, mba ho mpandray anjara amin'ny Teny, mivelona amin'ny Teny, amin'ny mahavoafidy mialoha hatrany amin'ny voalohany; hitanareo ilay pitik'afô kelin'ny Fiainana izay nanananareo tao anatinareo

hatramin'ny voalohany, rehefa nanomboka ny dianareo ianareo. Maro aminareo no mety mahatsiaro an'izany. Nikambana tamin'ity fiangonana ity ianareo ary nikambana tamin'itsy fiangonana itsy, nanandrana an'ity ianareo ary itsy; tsy nisy nahafa-po. Marina izany. Fa indray andro dia fantatrareo fotsiny Izany. Marina.

⁸¹ Indray hariva dia nampianatra aho tany ho any, heveriko fa tany California ilay izy na Arizona, mikasika... Mino aho fa nilaza an'ilay tantara kely aho teto, mikasika an'ilay lehilahy izay nampikotrika akohovavy iray ary nanana atodim-boromahery iray tao ambanin'izany. Ary rehefa foy io voromahery io, dia izy no vorona nampihomehy indrindra izay hany hitan'ireo akohokely. Saingy, nandehandeha teo izy. Izy no—izy no anankiray ratsy tarehy teo anivon'izy ireo, satria tsy nety azony fotsiny hoe ahoana no hikohokohon'io akohovavy io sy hanelezany eo amin'io antontan-jezika io ary hihinanany. Tsy nety azony ilay hevitra. Nilaza izy hoe, "Avia eto ary mivokisa, ry malala!" Saingy, voromahery iray izy; tsy nihinana tahaka an'izany fotsiny izy. Tsy sakafony io.

⁸² Koa dia nahazo valala izy sy inona koa, fantatrareo, ary niantsosy an'ireo akohokely madinika. Ary ireo akohokely madinika rehetra ireo dia nandeha, nikohokoho, ary nihinana. Fa ilay voromahery kely kosa dia tsy afaka nanao fotsiny an'izany. Izany dia tsy—toa tsy nety ho azy.

Noho izany dia tonga nitady azy ny mamany indray andro.

⁸³ Ary nandre an'io akohovavy nikohokoho io izy. Nanandrana ny tsarany indrindra izy mba hikohokoho, saingy tsy nety vitany izany. Nanandrana ny hitsaingotsaingoka tahaka ny akohokely iray izy, saingy tsy afaka nanao an'izany izy. Hitanareo, voromahery iray izy. Izy, tany am-piandohana, izy dia efa voromahery iray. Foy tao ambanin'ny akohovavy iray fotsiny izy.

Izany dia tahaka an'ireo mambram-pianganana sasany. Ny rehetra... Saiky toy izany ilay izy; saiky ny anankiray amin'ireo fikotrehana, dia marina.

⁸⁴ Fa indray andro dia nanidina teo ny mamany, ary nihiaikiaka izy. Fantany izany. Toa marina izany. Nahoana? Voromahery iray izy, hatrany am-boalohany.

Toy izany koa ny miaraka amin'ny Filazantsara, na ny Teny, na ny Herin'i Jesosy Kristy. Rehefa ny olona iray no efa voafidy mialoha ho amin'ny Fiainana Mandrakizay, dia mandre an'ilay faneno marina izy, hiakiakan'Andriamanitra, tsy misy na inona na inona afaka hanala azy amin'Izany.

Ilay fiangonana dia mety hanao hoe, "Efa lasa ireo andron'ny fahagagana," koho, koho, koho. "Mijoroa eto dia hano *ity*, ary mijoroa eto dia hano *itsy*."

⁸⁵ Io karazana tranon'ako ho dia tsy hety aminy, intsony. Lasa izy! "Azo atao ny zavatra rehetra!" Miala amin'ny tany izy.

Izany no antony, ilay olana amin'ireo Kristiana marobe amin'izao andro izao, tsy hahafahany manala ny tongony amin'ny tany.

Hoy ilay mama antitra hoe, "Anaka, mitsambikina! Voromahery iray ianao. Miakara eto amin'izay misy ahy."

Hoy izy hoe, "Mama, tsy mbola nitsambikina mihitsy aho, teo amin'ny fiainako."

⁸⁶ Hoy izy hoe, "Eny, mitsambikina ianao! Voromahery iray ianao, hatrany am-boalo hany. Tsy akohokely iray ianao." Noho izany dia nanao ny fitsambikinany voalohany izy ary nanakopaka ny elany; tsy vitany tsara loatra izany, saingy nanala ny tongony tamin'ny tany izy.

Toy izany koa no ataontsika. Manaiky an'Andriamanitra amin'ny alàlan'ny finoana isika, amin'ny alàlan'ny Teny voasoratra. Misy zavatra anankiray ao anatiny ao; izany ilay Fiainana Mandrakizay. Efa voafidy mialoha ho amin'izany ianareo.

⁸⁷ Ny dadaben sy ny bebeny dia efa voromahery. Izy dia efa voromahery, hatramin'izay ela izay. Ny voromahery dia tsy mifangaro amin'ny zavatra hafa. Tsy mifangaro iray izy; tsia. Voromahery iray izy.

⁸⁸ Noho izany, rehefa avy nahafantatra ianareo fa ilay tena Tenin'Andriamanitra dia Sakafon'ny Voromahery, amin'izay fotoana izay dia avelanareo ny zavatra hafa. Efa natao tao amin'ny sary velon'ilay Andriamanitra velona ianareo amin'izay fotoana izay. Nandre avy tao amin'ny teofanianareo ianareo. "Raha ravàna ity vatan'ny tany ity, dia manana anankiray izay miandry isika."

Hoy ianareo hoe, "Marina ve izany, Rahalahy Branham?"

Eny àry, ndao isika haka voromahery vitsivitsy ary hijery azy ireo mandritry ny minitra vitsy. Nisy anarana iray, lehilahy iray nantsoina hoe Mosesy. Ny tsirairay dia mahafantatra fa ny mpaminany dia nantsoina hoe voromahery, ao amin'ny Baiboly.

⁸⁹ Nisy mpaminany iray nantsoina hoe Mosesy. Ary indray andro dia niantso azy Andriamanitra, ary tsy namela azy handeha ho any amin'ilay tany, ary izy-izy dia maty teo ambonin'ny Vatolampy iray. Ireo Anjely no nitondra azy ary nandevina azy.

Nisy lehilahy hafa iray, voromahery iray, izay tsy nila ny ho faty akory aza. Nandeha niampita an'i Jordana fotsiny izy, ary nampidina kalesy iray Andriamanitra; ary nalatsany ity akanjon'ny nofo ity, ka niakatra sy nahazo an'ilay loka mandrakizay.

Valonjato taona taty aoriana, valonjato taona taty aoriana, teo amin'ny Tendrombohitra Fiovan-tarehy, dia indro nijoro teo ireo lehilahy anankiroa ireo. Efa lò nandritry ny an-jatony taona ny vatan'i Mosesy, saingy indro izy tao amin'izany endrika izany hany ka na dia i Petera, Jakoba, ary Jaona aza dia nahafantatra azy. Amena! "Raha ravàna ity tabernakelin'ny tany ity," raha toetra iray an'Andriamanitra voaseho eto an-tany eto ianareo, "dia manana vatana iray izay miandry aorian'ny handaozanareo an'ity izao tontolo izao ity ianareo." Teo izy ireo, nitsangana teo amin'ny Tendrombohitra Fiovan-tarehy, tao amin'ny teofaniany. Satria, izy ireo no mpaminany izay nahatongavan'ny Teny.

⁹⁰ Ndao koa isika hanamarika mpaminany hafa iray, indray andro, tamin'ny anarana hoe Samoela. Lehilahy malaza iray izy. Izy no nampianatra ny Isiraely; niteny tamin'izy ireo fa tsy tokony hanana mpanjaka iray izy ireo. Hoy izy hoe, "Efa mba nilaza zavatra iray taminareo tamin'ny Anaran'ny Tompo ve aho ka tsy niseho?"

Hoy izy ireo hoe, "Tsia. Ny zavatra rehetra izay nolazainao foana tamin'ny Anaran'ny Tompo dia niseho."

Mpaminany iray izy, ary maty izy.

⁹¹ Teo amin'ny telo na efa-taona taty aoriana, dia tratry ny olana ilay mpanjaka; izany dia talohan'ny nandatsahana ny Ràn'i Jesosy Kristy mihitsy. Tany paradisa izy. Ary niantso olona anankiray ho tonga ny mpamosavy iray an'i Andora, mba hampionona an'i Saoly. Ary rehefa nahita azy nitsangana ilay mpamosavy, dia hoy izy hoe, "Mahita andriamanitra iray miakatra avy ao amin'ny tany aho."

⁹² Ary taorian'ny nahafatesan'ilay lehilahy, nalevina, ary lò tao am-pasana, dia indro izy fa nitsangana teo tao anatin'io zohy io, nanao an'ireo akanjon'ny mpaminaniny; ary mbola mpaminany iray foana, amena, satria hoy izy hoe, "Nahoana ianao no mamoaka ahy avy ao amin'ny fitsaharako, hita fa lasa fahavalon'Andriamanitra ianao?" Diniho izy maminany. "Rahampitso hariva, amin'ny ora toy izao, dia hiaraka amiko ianao." Mbola mpaminany foana izy, na dia niala tamin'ny vatany aza izy.

Hitanareo, lasa teto izy ary ampanhan'ity Teny ity, ary niditra izy avy tao amin'ilay fiainan'ny nofo niverina tao amin'ilay vatana izay efa nomanina ho azy talohan'ny fanorenana an'izao tontolo izao. Niditra tao amin'ilay teofania izy, izay ny Teny. Azonareo ve ilay izy? Izay ilay andehanan'ireo mpino rehetra rehefa miala avy eto isika.

⁹³ Noho izany, ao amin'io endrika io, dia nakarina ilay voaly amin'izay fotoana izay. Hitanareo, ianareo dia Teny, ihany koa, rehefa miditra ao ianareo. Tahaka ny zaza kely iray; araka ny nolazaiko vao tsy ela teo . . .

⁹⁴ Ankehitriny mariho. Deraina Andriamanitra ny amin'ny fanokafana an'ireo Tombokase, izany no fivavako, mba hahafantatra an'ireo zavatra ireo!

⁹⁵ Ankehitriny dia hita miharihary ilay fanambarana marina ny amin'i Melkizedeka. Inona? Andriamanitra Izy, ny Teny, talohan'ny nahatonga Azy ho nofo; Andriamanitra, ny Teny. Satria, tsy maintsy ho izany Izy; tsy misy olon-kafa afaka ny ho tsy mety maty tahaka Azy. Hitanareo, nanana ray sy reny aho; ianareo dia nanana, ihany koa. Nanana ray sy reny Jesosy. "Fa ity Lehilahy ity dia tsy nanana ray, na nanana reny." Jesosy dia nanana fotoana iray izay Nanombohany; ity Lehilahy ity dia tsy nanana. Jesosy dia nanome ny Ainy; ity Lehilahy ity tsy afaka, satria Izy no Aina. Ary izany dia mbola ilay Lehilahy tsy miova hatrany foana. Manantena aho fa Andriamanitra no manambara an'izany aminareo. Mbola ilay Olona tsy miova, hatrany foana.

⁹⁶ Mariho ny Titrany, "Mpanjakan'ny fahamarinana." Ankehitriny, Hebreo 7:2, "Mpanjakan'ny fahamarinana, ary Mpanjakan'ny fiadanana." Mpanjaka roa Izy. Ankehitriny diniho, Hebreo 7:2, "Mpanjakan'ny fahamarinana, Mpanjakan'ny fiadanana koa." Mpanjaka roa Izy teo. Ankehitriny hatramin'ny Nidirany tao amin'ny nofo sy nampiakarana ny Vatany, ao amin'ny Apokalypsy 21:16, Izy dia nantsoina hoe, "Ny Mpanjakan'ny mpanjaka." Izy dia ireo telo rehetra ireo, miaraka. Hitanareo, Andriamanitra Mpanjaka, Mpanjaka Teofania, Jesosy Mpanjaka. "Izy no Mpanjakan'ny mpanjaka."

Nihaona ireo rehetra ireo, tahaka ny fanahy fotsiny, vatana, ary saina, ireo rehetra ireo dia lasa manao anankiray.

⁹⁷ Izao koa, Izy no Ray, izay ny voalohany; Zanaka; ary Fanahy Masina, ilay Fanahy.

"Mpanjakan'ny fahamarinana," ilay toetry ny Fanahy; teofania, "Mpanjakan'ny—ny fiadanana," teofania; ary ao amin'ny nofo Izy dia "Mpanjakan'ny mpanjaka," Olona iray ihany.

⁹⁸ Rehefa ilay teofania, nahita Azy i Mosesy, Eksodosy 33:2, dia teofania iray Izy. Te-hahita an'Andriamanitra i Mosesy. Efa nandre ny Feony izy, nandre Azy niresaka taminy, nahita Azy tao amin'ny roimemy iray tany, tahaka ny Andry Afo goavana iray. Ary hoy izy hoe, "Iza moa Ianao? Te-hahafantatra aho hoe Iza moa Ianao." Hoy i Mosesy. "Izaho dia hametraka . . ." "Raha Havelanao hahita Anao aho, dia tiako ny hahita ny Tavanao."

⁹⁹ Hoy Izy hoe, "Tsy misy olona afaka mahita ny Tavako." Hoy Izy hoe, "Hapetrako eo amin'ny masonao ny Tanako, ary handalo Aho. Ary afaka mahita ny Lamosiko ianao, fa tsy ny Tavako." Hitanareo? Ary rehefa Nataony izany, dia lamosin-Dehilahy iray izany; teofania iray izany. Noho izany ny Teny izay tonga tamin'i Mosesy, "IZAHO IZAY IZY," izany ilay Teny. Ny Teny dia tonga

tamin'i Mosesy tao amin'ny endrika Andry Afo iray tao anatin'ny roimemey nirehitra iray, ilay "IZAHO IZAY IZY."

¹⁰⁰ Amin'ny maha-Teny avy amin'ny teolojia... avy amin'ny teofania, raha ny marina. Miala tsiny aho. Tonga teo amin'i Abrahama Izy toy ny Lehilahy iray, teo ambanin'ny hazo ôka. Ankehitriny jereo teo. Tonga tamin'i Abrahama ny Lehilahy iray teo, izy telo ireo, ary nipetraka teo ambanin'ny hazo ôka iray, izy telo ireo. Ary mariho, taorian'ny Niresahany tamin'i Abrahama...

¹⁰¹ Nahoana Izy no tonga? Abrahama, ilay tokana niaraka tamin'ny teny fikasana sy ny hafatry ny zanaka izay ho avy, sady mpaminanin'ny Tenin'Andriamanitra ihany koa izy izay nahatoky ny Tenin'Andriamanitra, niantso ny zavatra nifanohitra rehetra ho toy ny tsy nisy. Hitanareo ve hoe tanteraka toy ny ahoana ny Teny? Tonga tamin'ny mpaminany ny Teny. Hitanareo, nisy an'Andriamanitra tao anatin'ny teofania teo. Ary hoy ny Baiboly hoe, "Ny Teny dia tonga amin'ny mpaminany." Ary indro ny—ny Teny tao anatin'ilay teofania.

Ankehitriny hoy ianareo hoe, "Andriamanitra ve izany?"

¹⁰² Abrahama dia nilaza hoe izany io. Nilaza izy fa ny Anarany, dia, izy dia niantso Azy hoe Elohim. Ankehitriny ao amin'ny Genesisy 1, dia mahita ianareo hoe, "Tamin'ny voalohany Elohim dia namorona ny lanitra sy ny tany." Ao amin'ny Genesisy 18, dia hitantsika fa—fa Abrahama dia niantso an'io Olona io...izay nipetraka teo ary niresaka taminy, ka afaka nilaza taminy an'ireo zava-miafin'ny fony, niteny taminy izay noeritreretin'i Saraha tao Aoriany. Hoy i Abrahama hoe, "Elohim Izany." Tao anatin'ny endrika teofania Izy. Azonareo ve ilay izy? Mariho taorian'ny...

¹⁰³ Ankehitriny dia hitantsika fa Izy dia tao anatin'ny endrika teofania tamin'izany fotoana izany. Izy dia niantso Azy hoe, "Tompo Andriamanitra, Elohim." Ankehitriny, ao amin'ny Genesisy 18, dia hitantsika fa marina izany.

¹⁰⁴ Ankehitriny mariho i Abrahama. Nisy telo izy ireo no niaraka, saingy rehefa nihaona tamin'i Abrahama ireo telo, dia hoy izy hoe, "Ny Tompoko."

Fa rehefa i Lota, tany Sodoma; nandeha tany ny roa tamin'izy ireo, ary hitan'i Lota ny roa tamin'izy ireo tonga, dia hoy izy hoe, "Ireo tompoko." Hitanareo, inona ilay olana? Voalohany aloha, i Lota dia tsy mpaminany, marina izany, na sady tsy irak'ilay ora akory aza izy, noho izany dia tsy nanana fanambarana ny Aminy mihitsy izy. Tena marina tokoa izany. Lota dia afaka niantso azy ireo hoe "ireo tompoko." Ny roa ambin'ny folo tamin'ireo, dia mbola nety nolazainy foana hoe, "ireo tompoko."

Fa tsy nampaninona na impiry no nahitan'i Abrahama, mbola Tompo anankiray foana Izany. Izany Andriamanitra. Io ilay Melkizedeka.

¹⁰⁵ Mariho, taorian'ny nifaranan'ny ady, dia naroson'i Melkizedeka ho an'io Zanany mpandresy io ny fandraisana; eritrereto izany, ampanhan'ny Tenany! Ankehitriny dia tiantsika ny hahita eto. Io ilay izy ao amin'ny tandindona, miharihary, ny fandraisana. Taorian'ilay ady, dia Nomeny ny avy amin'ny Tenany, satria ny fandraisana dia ampanhan'i Kristy. Ary aorian'ny hiafaran'ny tolona, aorian'ny nanaovanareo ny tenanareo ho voakaravasy, amin'izay fotoana izay dia mpandray anjara amin'i Kristy ianareo, lasa ampanhan'io Vatany io. Azonareo ve ilay izy?

¹⁰⁶ Nifampitolona nandrity ny alina manontolo i Jakoba, ary tsy namotsotra Azy raha tsy efa nitahy azy Izzy. Marina izany. Niady ho an'ny Fiainana! Ary aorian'ny hifaranan'ny ady, amin'izay fotoana izay vao manome anareo ny avy amin'ny Tenany Andriamanitra. Izany no tena Fandraisany. Ilay mofo kely sy hostia dia maneho an'Izany fotsiny. Tsy tokony handray an'izany ianareo raha tsy efa nifampitolona ka lasa ampanhan'Andriamanitra.

¹⁰⁷ Tsarovy, tamin'io fotoana io, dia tsy mbola voapetraka mihitsy ny fandraisana, tsy mbola raha tsy talohan'ny fahafatesan'i Jesosy Kristy, an-jatony sy an-jatony ary an-jatony taona taty aorianá.

¹⁰⁸ Fa i Melkizedeka, rehefa avy nahazo ny fandresena i Abrahama Zanany, dia nitsena azy i Melkizedeka ary nanome divay sy mofo azy; maneho fa aorian'ny hiafaran'ity ady eto antany ity, dia hitsena Azy eny amin'ny lanitra isika ary handray ny fandraisana indray. Izany no ho Sakafon'ny Mpanambady. “Tsy hisotro intsony ny divay Aho, na tsy hihinana ny voany, mandra-pahatonga Ahy hihinana an'izany sy hisotro an'izany miaraka aminareo, ny vaovao, ao amin'ny Fanjakan'ny Raiko.” Tsy marina ve izany?

¹⁰⁹ Mariho indray, Melkizedeka dia nandeha nitsena an'i Abrahama talohan'ny niverenany hody. Tandindona mahafinaritra toy ny ahoana no azontsika eto! Melkizedeka nitsena an'i Abrahama talohan'ny niverenany hody, taorian'ilay ady.

Isika no mitsena an'i Jesosy eny amin'ny habakabaka, alohan'ny handehantsika any an-Trano. Marina izany. Tesaloniana Faharoa no miteny amintsika an'izany, fa, “isika no mitsena Azy eny amin'ny habakabaka.” Tandindona iray mahafinaritra an'i Rebeka nitsena an'Isaka, tao amin'ny saha, tao amin'ny hatsiasikan'ny andro. “Isika no mitsena Azy eny amin'ny habakabaka.” Tesaloniana Faharoa no miteny amintsika an'izany. “Fa isika izay mbola velona ka mitoetra dia tsy mba hialoha na hisongona an'ireo izay efa nodimandry; fa hotsofina ny trompetran'Andriamanitra; ireo maty ao amin'i Kristy no hitsangana aloha; isika izay velona ka mitoetra dia

hakarina miaraka amin'izy ireo, hitsena ny Tompo eny amin'ny habakabaka." Tanteraka, ireo tandindona rehetra ireo.

¹¹⁰ Noho izany, ilay teofania, raha maty ianareo ka nuditra tao amin'io teofania io, (inona no mitranga?) tonga eto an-tany ilay teofania mba haka an'ilay vatana voaavotra. Ary raha eto amin'ny habakabaka ianareo, dia alainareo ilay vatana hitsena an'ilay teofania, eo ianareo izao, "ary hakarina, ka handeha hitsena ny Tompo eny amin'ny habakabaka."

¹¹¹ Iza io Melkizedeka io raha tsy Andriamanitra!

¹¹² Ankehitriny dia hitantsika mazava tsara ilay zava-miafina manontolo an'ny fiainantsika ao amin'ny dia, sy ny fahafatesana, ary hoe ho aiza isika aorian'ny hahafatesantsika. Izao koa, ny fifidianana mialoha dia miharihary eto. Ankehitriny henoy raha mampianatra an'izao isika, tsara.

¹¹³ Ireo dingan'ny—ny tanjona Mandrakizay izay Nananany tao amin'ny Zava-miafiny dia efa voambara ankehitriny. Mariho, mbola misy dingana telo ho amin'ny fahatanerahana. Tahaka ny Anavotany an'izao tontolo izao fotsiny; mitovy amin'ny Anavotany ny Fiagonany. Manavotra ny olona ao anatin'ny dingana telo Izy. Ankehitriny jereo. Voalohany dia ny fanamarinana, tahaka ny notorian'i Luther; faharoa, ny fanamasinana, tahaka ny notorian'i Wesley; fahatelo, ny batisan'ny Fanahy Masina. Marina izany. Avy eo dia tonga ny Fampakarana!

¹¹⁴ Ankehitriny, izao tontolo izao, ahoana no Nanavotany an'izao tontolo izao? Ny voalohany, inona no Nataony, rehefa nanota izany, Nosasany tamin'ny ranon'ny batisa izany. Marina izany. Avy eo dia Nararany teo ambonin'izany ny Ràny, avy teo amin'ny hazo fijaliana, ary namasininy izany ka nantsoiny hoe Azy Manokana. Ary avy eo inona no Ataony? Tahaka ny Nanesorany an'izao tontolo rehetra izao tao aminareo, ka nanavaozany ny zavatra manontolo tamin'ny alàlan'ny batisa afo an'ny Fanahy Masina, no Hanavaozany koa an'izao tontolo izao. Ary hodorana amin'ny Afo izy, ary hanadio ny tsimoka rehetra, hatrany amin'ny an-tapitrisany maily avo any, ny zavatra rehetra dia ho voadio. Ary avy eo dia misy ny Lanitra Vaovao sy Tany Vaovao, tahaka anareo olom-baovao ao amin'i Kristy Jesosy rehefa nandray anareo ny Fanahy Masina. Hitanareo, eo ianareo izao, ny zavatra manontolo dia miharihary mihitsy arak'izay maha-izy azy. Ny zavatra rehetra dia ao amin'ny telo.

¹¹⁵ Ny fahaterahana ara-nofo dia ao amin'ny telo. Inona no zavatra mitranga voalohany ho an'ny vehivavy banana zazakely iray? Inona no mivoaka voalohany? Rano. Inona no mivoaka manaraka? Rà. Inona no dingana manaraka? Aina. Rano, rà, fanahy.

Inona no mitranga amin'ny voly? Faka. Inona ilay zavatra voalohany? Taho. Inona ny manaraka? Felana. Inona ny manaraka? Akofa. Avy eo dia mivoaka avy ao amin'io ilay voa. Dingana telo fotsiny, mandra-pahatongany ao amin'ny voa. Tena izany tokoa.

¹¹⁶ Andriamanitra no manamarina an'izany. Efa marina foana izany. Andriamanitra no manamarina an'izany ho marina. Maneho mazava, fa ilay voafidy mialoha irery ihany no hany tokana nekena ao amin'ny fanavotana. Efa azonareo ve izany? Mamelà ahy hiteny an'izany indray. Ilay voafidy mialoha irery ihany no hany tokana nekena ao amin'ny fanavotana. Ny olona dia mety manao tahaka an'izany, mihevitra fa izany izy ireo, saingy ny tena fanavotana dia ireo izay voafidy mialoha. Satria, ny tena teny hoe *manavotra* dia midika hoe "mamerina indray." Marina ve izany? Ny *manavotra* dia zavatra anankiray... Ny *manavotra* zavatra, dia, "mamerina an'ilay izy indray eo amin'ny toerany tany am-piandohana." Haleloia! Noho izany dia ilay voafidy mialoha irery ihany no haverina indray, satria ireo hafa dia tsy avy Tany. Hitanareo, "mamerina indray!"

¹¹⁷ Satria Mandrakizay miaraka Aminy, tany amin'ny voalohany... Ny Fiainana Mandrakizay izay nanananareo, ny Fisainany amin'ny maha-izy anareo, irery ihany, Tiany ianareo mba... Tiany aho hitsangana eto amin'ny polipitra, hilaza. Tiany ianareo hipetraka eo amin'ny sezazao hariva izao. Amin'izay fotoana izay isika dia manompo ny Tanjony Mandrakizay. Ary ilay anankiray izay nandao ny tranony, dia tonga eto an-tany fotsiny ihany hanompo ny Tanjony. Marina ve izany? Eny àry. Avy eo, rehefa mifarana izany, dia entina miverina ao amin'ny toeram-boninahitra iray izany; masaka izy ary entina miverina indray.

¹¹⁸ Tsy mahagaga raha afaka nilaza i Paoly, rehefa nanamboatra boloky iray izy ireo hanapahana ny lohany; hoy izy hoe, "O ry fahafatesana, aiza ny fanindronanao? O ry fasana, aiza ny fandresenao? Fa isaorana Andriamanitra Izay manome antsika ny fandresena!" Hoy izy hoe, "Ry fahafatesana, lazao ahy hoe aiza no hahafahanao hanao ahy hiantsoantso! Ry fasana, lazao ahy hoe ahoana no hihazonanao ahy! Fa, izaho dia manana ny Fiainana Mandrakizay." Amena! Fantany izany. Ny fahafatesana, ny helo, ny fasana, tsy nisy na inona na inona afaka nihazona azy. Ary tsy misy na inona na inona afaka handratra antsika, manana ny Fiainana Mandrakizay isika! Fantany fa izy dia voatahyliaraka tamin'ny Fiainana Mandrakizay.

¹¹⁹ Tahaka ny vongan'ando kely iray fotsiny. Raha azoko, izany dia... Tsy dia mahafantatra betsaka loatra momba ny simia aho. Fa, ilay izy dia mety ho ilay—ilay fivaingan'ny hamandoana na ny rivotra. Ary rehefa lasa mangatsiaka sy maizina ny alina, dia milatsaka avy any an-danitra izany ary milatsaka amin'ny tany. Milatsaka avy any ho any izany. Fa ny ampitso maraina

alohan'ny hiakaran'ny masoandro, dia mipetraka eo izany, ilay zavatra kely, mangovitra. Fa avelao fotsiny ilay masoandro hiakatra, dia diniho izany fa miha-mamiratra. Sambatra izy. Nahoana? Ilay masoandro dia hiantso azy hiverina avy hatrany any amin'izay nihaviany.

Ary toy izany ny Kristiana iray. Haleloia! Fantatsika fa rehefa mandeha ao amin'ny Fanatrehan'Andriamanitra isika, dia misy zavatra iray ao anatintsika ao miteny amintsika fa avy tany ho any isika, ary hiverina indray amin'ny alalan'ilay Hery izay misintonia antsika.

¹²⁰ Ilay vongan'ando kely, manelatselatra izy sy mamirapiratra ary miantsoantso, satria fantany fa izy dia avy tany ambony tany, ary io masoandro io no hitarika azy hiverina hiakatra indray.

Ary ny olona izay toetran'Andriamanitra iray, naterak'Andriamanitra, dia mahafantatra, haleloia, rehefa miditra amin'ny fifandraisana amin'ilay Zanak'Andriamanitra izy, fa izy dia ho voatarika hiakatra hiala eto indray andro any. "Fa raha hakarina hiala amin'ny tany Aho, dia hitarika ny olona rehetra ho eo Amiko Aho." Amena!

¹²¹ Ankehitriny mariho, ankehitriny, hitantsika i Melkizedeka sy hoe nahoana no tsy Reniny ilay Maria. Izany no antony Niantsoany azy hoe "ravehivavy," fa tsy *neny*. "Tsy nanana ray Izy," satria Izy no Ray, ilay Ray mandrakizay, ilay telo ao amin'ny Iray. "Tsy nanana reny Izy," tsia tokoa. Tsy nanana ray Izy, satria Izy no Ray. Araka ny nolazain'ilay poetry indray mandeha, niresaka ny amin'ny fankasitrahana lehibe an'i Jesosy, hoy izy hoe:

IZAHO IZAY IZY no niресaka tamin'i Mosesy tao
amin'ny roimemy nirehitra iray,
IZAHO IZAY IZY no Andriamanitr'i Abrahama,
ilay Kintan'ny Maraina sy Mamiratra.
IZAHO IZAY IZY no Alfa, Omega, ny fiandohana
sy fiafarana.
IZAHO IZAY IZY no famoronana manontolo, ary
Jesosy ilay Anarana. (Marina izany.)
Oh, ataoao ho iza moa Aho, ary lazain'izy ireo
hoe avy taiza Aho,
Fantatrao ve ny Raiko, sa azonao lazaina ve ny
Anarany? (Haleloia!)

¹²² Izany ilay Anaran'ny Ray! Hia, "Avy amin'ny Anaran'ny Raiko Aho, nefo ianareo tsy nandray Ahy." Hitanareo? Azo antoka, Izy no tsy miova omaly, anio, ary mandrakizay.

¹²³ Ary tonga nofo io Melkizedeka io. Nanambara ny Tenany ho Zanak'olona Izy rehefa tonga Izy, amin'ny maha-Mpaminany iray. Tonga tamin'ny anarana telo an'ny Zanaka Izy; ny Zanak'olona, ny Zanak'Andriamanitra, ny Zanak'i Davida.

¹²⁴ Rehefa teto an-tany Izy, dia Lehilahy iray Izy, mba hahatanteraka ny Soratra. Hoy i Mosesy hoe, “Ny Tompo Andriamanitrareo no hanangana Mpaminany iray tahaka ahy.” Noho izany dia tonga amin’ny maha-Mpaminany iray Izy. Izy dia tsy, tsy nilaza mihitsy hoe, “Izaho no Zanak’Andriamanitra.” Hoy Izy hoe, “Izaho no Zanak’olona. Mino ny Zanak’olona ve ianareo?” Satria, izany no Nijoroany vavolombelona, satria izany Izy.

Ankehitriny dia tonga amin’ny Anaran’ny zanaka hafa iray Izy, Zanak’Andriamanitra; ilay tsy hita maso, ilay Fanahy.

Ary rehefa tonga indray Izy, dia Izy no Zanak’i Davida, hipetraka eo amin’ny Seza fiandrianany.

¹²⁵ Ankehitriny rehefa tety Izy ka tonga nofo, Izy dia nantsoina hoe, “ny Zanak’olona.” Ankehitriny, ahoana no Nampahafantarany ny Tenany tamin’izao tontolo izao ho Zanak’olona, ny Mpaminany?

¹²⁶ Indray andro dia nilaza tantara iray ny amin’i Petera sy Andrea aho, ilay rahalahiny. Mpanjono izy ireo, ary Jonasy rain’izy ireo dia mpino tranainy malaza. Indray andro hoy izy ireo dia nipetraka teo amin’ny sisin’ilay sambo izy. Hoy izy hoe, “Ry zanako, fantatrareo hoe ahoana no nivavahantsika rehefa nila trondro isika.” Mpanjono mpivarotra izy ireo. Hoy izy hoe, “Nahatoky an’Andriamanitra isika, Jehovah, ho an’ny fivelomantsika. Ary miha-antitra aho ankehitriny; tsy afaka hiara-hitoetra ela aminareo tovolahy intsony aho. Ary isan’andro aho dia, tahaka an’ireo tena mpino rehetra, dia niandry ny fotoana izay hihavian’ilay Mesia. Efa nanana an’ireo karazana sandoka rehetra isika, saingy ho avy ny Anankiray tena izy, indray andro any.” Dia hoy izy hoe, “Rehefa tonga io Mesia io, dia tsy tiako ho voafitaka ianareo tovolahy ireo. Io Mesia io dia tsy ho teolojiana iray fotsiny. Ho Mpaminany iray Izy, fa i Mosesy mpaminanintsika, ilay arahintsika, izy no nilaza.”

Ankehitriny, ny Jiosy tsirairay dia hino ny mpaminaniny. Nampianarina hahafantatra an’izany izy. Ary raha milaza zavatra izay arak’izany ilay mpaminany, amin’izay fotoana izay dia izany no fahamarinana. Fa hoy Andriamanitra hoe, “Raha misy anankiray eo anivonareo, ara-panahy, na mpaminany, dia Izaho Tompo no hampahafantatra ny Tenako aminy. Ary raha miseho izay lazainy, amin’izay fotoana izay dia henoy izy ary matahora azy; fa raha tsy izany, dia aza matahotra azy mihitsy amin’izay fotoana izay.” Hitanareo? Koa dia izany ilay-ilay fanamarinana ny mpaminany.

¹²⁷ “Noho izany dia tena mpaminany iray voamarina tokoa i Mosesy, ka hoy izy hoe, ‘Ny Tompo Andriamanitrareo no hanangana, eo anivonareo, avy amin’ireo rahalahinareo, Mpaminany iray tahaka ahy. Ary izay tsy hihaino azy dia

hofongorina hiala amin'ny olona.”” Hoy izy hoe, “Ankehitriny, rankizy, tsarovy, fa, amin’ny maha-Hebreo, dia mino an’ireo mpaminanin’Andriamanitra voamarina isika.”

Ankehitriny henoy tsara. Aza diso an’ity. Dia hoy izy hoe, “Rehefa tonga ny Mesia, dia ho fantatrareo Izy, satria ho Mesia-Mpaminany Izy. Ankehitriny, nilaza izy ireo fa efa efajato taona izay no lasa. Tsy nanana mpaminany iray isika hatramin’i Malakia, fa ho izany izy!”

¹²⁸ Indray andro, taorian’ny nahafatesany, taona vitsy, dia niveivezy teny amin’ny morona i Andrea zanany. Ary nandre olon-dia iray nivoaka avy tany an-efitra izy, nanao hoe, “Io Mesia io dia mitsangana eo anivonareo ankehitriny!” Io voromahery lehibe izay nitsangana tao an-efitra io ka nanidina teo, no nanao hoe, “Ny Mesia dia eo anivonareo izao ankehitriny izao. Tsy mbola mahafantatra Azy isika, saingy mitsangana eo anivonareo Izy. Izaho no hahafantatra Azy, satria hahita famantarana iray tonga avy any an-Danitra aho.”

Indray andro dia hoy izy hoe, “Io, indro, ny Zanak’ondrin’Andriamanitra izay manaisotra ny fahotan’izao tontolo izao!”

Lasa ilay... lasa io lehilahy io, mba hitady ny rahalahiny. Hoy izy hoe, “Ry Simona, tiako ianao ho tonga eto; efa nahita ny Mesia izahay.”

“Oh, mandehana, ry Andrea! Mahafantatra tsaratsara kokoa noho izany ianao!”

“Oh, mahafantatra aho. Saingy, fa, hafa io Lehilahy io.”

“Aiza Izy? Avy taiza no Nihaviany?”

“Jesosy avy any Nazareta.”

“Ilay tanàna kely, ratsy fanahy ve? Nahoana, tsy mety ho avy amin’ny toerana ratsy fanahy, maloto tahaka an’io Izy.”

“Avia fotsiny ianao dia jereo.”

¹²⁹ Farany dia noreseny lahatra izy mba ho avy indray andro. Koa rehefa tonga teo anoloan’io Mesia io izy, dia nitsangana teo Jesosy, niresaka tamin’ny olona. Rehefa nandeha teo Anoloany izy, dia hoy Izy hoe, “Ny anarana dia Simona, ary ianao dia zanak’i Jonasy.” Izay dia nahavita an’ilay izy. Nahazo ny fanalahidin’ny Fanjakana izy. Nahoana? Fantany fa io Lehilahy io dia tsy nahafantatra azy. Ary ahoana no Nahafantarany azy, sy ilay ray antitra masina izay efa nampianatra azy hoe ahoana no hinoana ny Mesia?

¹³⁰ Nisy lehilahy iray nitsangana teo, amin’ny anarana hoe Filipo. Oh, tena taitra mihitsy izy! Nahafantatra lehilahy hafa iray izy, izay niarahany nianatra ny Baiboly. Lasa izy, nankany amin’ilay havoana, ary hitany izy tao amin’ny alan’olivany. Nandohalika izy, nivavaka. Efa niaraka nanana leson’ny Baiboly

betsaka izy ireo, noho izany dia tonga teo izy. Ary nilaza izy, rehefa avy nivavaka izy, hoy izy hoe, "Avia, jereo hoe Iza no hitanay; Jesosy avy any Nazareta, ilay zanak'i Josefa. Izy no Mesia izay andrasantsika."

Ankehitriny toa reko i Natanaela nanao hoe, "Ankehitriny, ry Filipo, tsy tafiditra tany amin'ny lalina loatra ve ianao, sa tsy izany?"

¹³¹ "Oh, tsia. Tsia tokoa. Ankehitriny mamele ahy hiteny aminao. Fantatralo, efa niaraka nianatra ny Baiboly isika, ka inona no nolazain'ny mpaminany ny amin'izay ho Mesia?"

"Ho Mpaminany iray Izy."

"Tsaroanao ve ilay mpanjono antitra izay nividianana trondro, izay tsy nanana fahaizana ampy mba hanasoniavany ny anarany, nantsoina hoe Simona?"

"Hia. Ah-hah."

¹³² "Tonga izy. Ary mba fantatralo moa? Io Jesosy avy any Nazareta io no niteny taminy fa ny anarany dia Simona, nanova ny anarany ho Petera, izany hoe 'vato kely' ary niteny taminy hoe iza no dadany."

"Eny," hoy izy—hoy izy hoe, "Tsy fantattro. Mba mety misy zavatra tsara ve avy ao Nazareta?"

¹³³ Hoy izy hoe, "Ndao isika tsy hiresaka ny amin'izany; avia fotsiny dia jereo." Izany no hevitra tsara iray, "Avia dia jereo."

Koa indro i Filipo, nitondra an'i Natanaela. Ary rehefa nandeha izy, dia nitsangana teo angamba Jesosy, niresaka, angamba nivavaka ho an'ny marary tao amin'ny laharam-bavaka. Ary rehefa tonga teo amin'izay nisy an'i Jesosy izy, dia njery azy Jesosy, ka nanao hoe, "Indro ny Isiraelita iray izay tsy misy fitaka."

¹³⁴ Ankehitriny, hoy ianareo hoe, "Eny, izany dia noho ny fomba fitafiny." Oh, tsia. Ireo tantsinanana rehetra dia mitovy fitafy. Nety ho Syriana iray izy, na ho zavatra hafa iray; volombava, akanjo.

¹³⁵ Hoy Izy hoe, "Indro ny Isiraelita iray izay tsy misy fitaka," amin'ny teny hafa dia, "lehilahy iray mahatoky, tso-po."

Eny, nampitolefika kely an'i Natanaela izany. Dia hoy izy hoe, "Raby," izay midika hoe, "mpampianatra." "Raby, oviana no mba Nahafantaranao ahy? Ahoana no Nahafantaranao fa Jiosy iray aho? Ahoana no Nahafantaranao fa mahatoky aho, tsy misy fitaka?"

¹³⁶ Hoy Izy hoe, "Talohan'ny niantsoan'i Filipo anao, rehefa teo ambanin'ilay hazo ianao, dia efa nahita anao Aho." Ah! Tany amin'ny dimy ambin'ny folo maily, tany amin'ilay sisin'ny tanàna hafa, ny andro talohan'io.

Inona no nolazainy? “Raby, Ianao no Zanak’Andriamanitra. Ianao no Mpanjakan’ny Isiraely!”

¹³⁷ Fa nitsangana teo ireo mpisorona tany, mpizahozaho, mpieboebo, nanao hoe, “Belzeboba io Lehilahy io, mpanao hatsarana iray.”

Hoy Jesosy hoe, “Hamelia anareo Aho ny amin’izany.”

¹³⁸ Ankehitriny, tsarovy, tsy notenenin’izy ireo mafy mihitsy izany, fa tao am-pony no nitenenany an’izany. “Ary Fantany ny fisainan’izy ireo.” Marina izany. Izany no lazain’ny Baiboly. Antsoy hoe *fifandraisana ara-tsaina* izany raha tianareo, saingy Izy—Izy dia nahafantatra ny fisainan’izy ireo.

¹³⁹ Dia hoy Izy hoe, “Mamela anareo Aho ny amin’izany. Fa indray andro any ho tonga ny Fanahy Masina ary hanao an’izao zavatra izao ihany,” aorian’ny Handehanany; “ny miteny teny iray manohitra an’Izany, dia tsy ho avela mihitsy na amin’izao fiainana izao na ny fiainana ho avy.” Marina ve izany? [Hoy ny fiangonana hoe, “Amena.”—Mpand.] Ankehitriny, izany ireo Jiosy.

Avy eo dia nila nandeha nankany Samaria Izy indray andro. Saingy alohan’ny hanaovantsika an’izany, dia nahita an’ilay vehivavy isika, na ilay . . .

¹⁴⁰ Ilay lehilahy, rehefa nandalo ny vavahady nantsoina hoe Itsaraendrika izy, izay sitrana. Ary Jesosy nahafantatra ny toerany, ka niteny taminy hoe, “Betao ny fandrianao ary mandehana mody.” Dia nataony izany, ary salama izy.

Avy eo dia hitantsika, ireo Jiosy, ny sasany tamin’izy ireo dia nandray Azy. Ny sasany nino an’izany; ny sasany tsy nino. Nahoana izy ireo no tsy nino an’izany? Tsy voalahatra ho amin’ny Fiainana izy ireo. Tsy ampanhan’ilay toetra izy ireo.

¹⁴¹ Ankehitriny tsarovy, mpisorona sy lehilahy malaza izy ireo. Ary Jesosy . . . Eritrereto ireo teolojiana sy mpisorona ireo, lehilahy izay tsy mety hahitanareo kilema iray eo amin’ny fiainany. Hoy Jesosy hoe, “Ianareo dia avy amin’ny devoly rainareo, ary ireo asany no ataonareo.” Hoy Izy, “Raha avy tamin’Andriamanitra ianareo, dia ho nino Ahy ianareo. Raha tsy mety mino Ahy ianareo, dia minoa an’ireo—minoa an’ireo asa izay Ataoko; izy ireo no manambara hoe Iza moa Aho.”

¹⁴² Ankehitriny, ny Baiboly no milaza, fa, “Jesosy no tsy miova omaly, anio, ary mandrakizay.” Hoy Jesosy hoe, “Ireo asa izay Ataoko no hataon’izay mino Ahy ihany koa.” Marina ve izany? Mariho, izany ilay tena Melkizedeka ankehitriny.

¹⁴³ Ankehitriny mariho, indray, firazanan’olona telo ihany no misy.

Efa nandre ahy ianareo nilaza fa izaho dia mpanavakavaka iray. Izany aho. Ny Kristiana rehetra dia mpanavakavaka; tsy fanavakavahana ny loko, fa fanavakavahana ny fanahy. Ny

lokon'ny hoditry ny olona iray dia tsy misy idirany aminy. Zanak'Andriamanitra iray amin'ny alàlan'ny Fahaterahana izy. Fa ny Kristiana iray, hoy Andriamanitra hoe, "Avaho ho Ahy!" "Mivoaha eo anivon'izy ireo," sy ny sisa. Mpanavakavaka iray Izy, ny amin'ny fahalotoana, eo amin'ny marina sy ny diso.

¹⁴⁴ Fa mariho, nanana fanavakahana izy ireo tamin'izany, fanavakaham-poko, dia ireo Samaritana izany.

Ary firazanan'olona telo ihany no misy eto an-tany; raha mino ny Baiboly isika; izany dia, Hama, Sema, ary ny olon'i Jafeta. Izany dia ireo zanak'i Noa telo lahy. Isika rehetra dia nivoaka avy teo. Marina izany. Izany no mamerina antsika rehetra any amin'i Adama, izay manao antsika rehetra ho mpirahalahy. Hoy ny Baiboly hoe, "Avy amin'ny rà anankiray no namorongan'Andriamanitra ny firenena rehetra." Isika rehetra dia mpirahalahy, amin'ny alàlan'ny fikorinan-drà. Ny olona mainty hoditra iray dia afaka manome famindran-drà amin'ny olona fotsy hoditra iray, na ny mifamadika amin'izany. Ny olona fotsy hoditra dia afaka manome ho an'ny—ny Japoney, olona mavo, na ny Indiana, ny olona mena, na inona koa, na Jafenita iray, na inona, afaka manome famindran-drà ho azy izy, satria isika rehetra dia rà iray ihany. Ny lokon'ny hoditsika, izay nipetrahantsika, dia tsy misy idiran'izany amin'io.

Fa ny hoe navahana isika, dia rehefa isika nivoaka avy tamin'izao tontolo izao, tahaka ny Nitondrany ny Isiraely nivoaka avy tao Egypta. Izany rehefa hoe navahana tamin'ireo zavatr'izao tontolo izao isika.

¹⁴⁵ Ankehitriny, izy ireo dia Hama, Sema, ary ny olon'i Jafeta. Ary raha nanana fotoana hiverenana any amin'ireo tantaram-pirazanana isika, dia afaka hahita ny Anglo-Saxon ianareo, hoe avy taiza izy. Ankehitriny, izany ilay Jiosy... Ilay Samaritana, izay sady Jiosy tapany no Jentilisa, izay nanambady an'ireo Jentilisa noho ny nataon'i Balama, sy Moaba. Samaritana izy ireo. Ary nisy ireo Jiosy sy ireo Jentilisa.

Ankehitriny, isika Anglo-Saxon dia tsy misy idirantsika amin'izany mihitys. Tsy nino Mesia iray mihitys isika, na inona na inona hafa. Tsy niandry anankiray isika. Taty aoriania isika vao nentina.

Tonga tamin'ny Azy Manokana Jesosy, ary ny Azy Manokana tsy nandray Azy. Ary hoy Izy tamin'ireo Mpianany hoe, "Aza mandeha any amin'ny lèlan'ny Jentilisa, fa aleo mandeha any amin'ny ondry verin'ny Isiraely." Dia nandeha tany amin'ny ondry verin'ny Isiraely fotsiny Izy. Ary diniho, naneho ny Tenany ho Zanak'olona Izy, teo anatrehan'ireo Jiosy. Nolavin'izy ireo Izany.

Ankehitriny, ilay Samaritana, amin'ny maha-Jiosy tapany sy Jentilisa, izy ireo koa dia nino, ary niandry Mesia iray.

Isika tsy niandry. Isika dia mpanompo sampy, niaraka tamin'ireo sarivongana tao an-damosintsika, nanompo sampy; ilay Jentilisa.

¹⁴⁶ Fa ankehitriny indray andro, Masindahy Jaona 4, dia nila nandeha nankany Samaria Izzy, teny amin'ny Lèlany nankany Jeriko. Fa nandeha nihodina tany Samaria. Ary raha teo am-pandehanana nankany Izzy, dia nipetraka teo amin'ilay fantsakana tany ivelan'ny tanàna iray Izzy nantsoina hoe Sykara. Ary ilay fantsakana, raha efa mba tany ianareo, izany dia toera-malalaka kely saiky tahaka an'ity eto ity. Ary nisy loharano iray ho an'ny daholobe teo, nisy rano, izay nahatongavan'ny rehetra. Ary tonga ireo vehivavy ny maraina, mitondra an'ireo sinindranony, ka mametraka an'izany eo ambonin'ny lohany, ary ny anankiray eo amin'ny valahany tsirairay, sy mandeha miaraka amin'izany mahitsy tsara arak'izay tratrany, tsy miraraka mihitsy na dia indray mitete aza; mifampiresaka. Noho izany, izy ireo dia, tonga eo ny olona.

¹⁴⁷ Koa izany dia teo amin'ny iraika ambin'ny folo antoandro teo. Noho izany dia naniraka an'ireo Mpianany ho any an-tanàna Izzy, mba hividy hanina, sakafo. Ary rehefa lasa izy ireo . . .

¹⁴⁸ Nisy vehivavy iray ratsy laza teo. Isika dia hiantso azy, amin'izao andro izao, hoe vehivavy jiro mena iray, na mpijangajanga. Nanana vady marobe izy. Koa rehefa nipetraka teo Jesosy, dia nivoaka io vehivavy io teo amin'ny iraika ambin'ny folo teo. Hitanareo, tsy afaka tonga niaraka tamin'ireo virijiny izy rehefa tonga izy ireo ny maraina mba haka ny rano fidiovany; tsy maintsy niandry izy mandrapahatongan'izy rehetra . . . Izzy ireo dia tsy nifangaro tahaka ny ataony ankehitriny. Voaisy marika izy. Koa tamin'izay fotoana izay, dia nivoaka izy haka rano, noho izany dia nalainy fotsiny ilay rojo tranainy, ary napetany teo amin'ny siny ilay faraingo, ary nanomboka nampidina an'izany.

Nandre Olona iray izy nanao hoe, “Ravehivavy, itondray Aho ho sotroina.” Ankehitriny, tsarovy, i Melkizedeka io. Jesosy io, omaly, ilay Zanak’olona.

¹⁴⁹ Ary njery manodidina izy, ka nahita Jiosy iray izy. Noho izany dia hoy izy hoe, “Tompoko, tsy fanao amin'ny Jiosy ny mangataka zavatra amin'ny Samaritana iray. Izaho dia vehivavy avy ao Samaria, noho izany Ianao dia miteny any ivelan'ny Toeranao. Tsy tokony hangataka amiko zavatra tahaka an'izany Ianao. Tsy manana fifampiraharhana isika.”

¹⁵⁰ Hoy Izzy hoe, “Saingy raha fantatrao hoe Iza no miresaka aminao, dia ianao no hangataka Amiko ho sotroina.”

Hoy izy hoe, “Ahoana no Hanovozanao an'izany? Lalina ny fantsakana, ary Ianao tsy manana na inona na inona hanovozana.”

¹⁵¹ Hoy Izy hoe, “Ny rano izay Omeko dia Ranon’Aina, miboiboika ao amin’ny Fiainana Mandrakizay.”

Niresaka taminy Izy mandra-Pahitany hoe inona ilay toerany. Ary avy eo dia... Diniho izay Nolazainy taminy ankehitriny, “Alaivo ny vadinao dia tongava eto.”

Dia hoy izy hoe, “Tsy manam-bady aho.”

¹⁵² Hoy Izy hoe, “Nilaza ny fahamarinana ianao, satria efa nanana dimy ianao, ary ilay anankiray izay iarahanao mitoetra ankehitriny dia tsy anao. Koa, amin’izany, dia nilaza ny fahamarinana ianao.”

Diniho ilay fahasamihafana teo amin’io vehivavy io sy ilay andiam-pisorona. Izy dia nahafantatra betsaka kokoa an’Andriamanitra noho io andiam-pisorona manontolo io, natambatra.

¹⁵³ Hoy izy hoe, “Tompoko, hitako fa Mpaminany Ianao.” Hoy izy hoe, “Efa tsy nanana anankiray izahay nandritry ny efajato taona. Ankehitriny, fantatray fa ho avy ny Mesia. Ary rehefa tonga ny Mesia, dia izao no Hataony.” Izany ilay famantaran’ny Mesia, satria Izy no Zanak’olona. Hoy izy hoe, “Izany no Hataony rehefa tonga Izy. Tsy maintsy ho Mpaminaniny Ianao.”

¹⁵⁴ Hoy Izy hoe, “Izaho no Izy.” Tsy nisy olon-kafa afaka niteny an’izany.

¹⁵⁵ Napetrany ilay sinin-drano ka nihazakazaka nankany antanàna izy, ary nanao hoe, “Avia, jereo ny Lehilahy iray Izay niteny tamiko an’izay nataoko. Tsy izao ve no tena Mesia?”

Ankehitriny tsarovy, Izy no nampanantena fa hanao an’io zavatra mitovy io amin’ny fiafaran’ny firazanana Jentilisa.

Ireo Jiosy dia efa nanana efatra arivo taona niandrasana an’io Mesia io, fampianarana efatra arivo taona fa ho avy Izy, sy izay Hataony rehefa eo Izy, nefo diso tamin’ny fahitana Azy izy ireo, na diso tamin’ny fahafantarana an’izany. Ary rehefa nampahafantatra ny Tenany Izy tao amin’ireo tena fitenin’ny Baiboly izay Nolazainy fa Hataony, rehefa teofania iray Izy ka lasa nofo avy eo ary nonina teo anivon’izy ireo, dia diso tamin’ny fahitana an’izany izy ireo, ary niantso an’ireo Asany ho asan’ny devoly.

¹⁵⁶ Ankehitriny dia efa nanana fampianarana roa arivo taona isika, nandalo avy teo amin’ilay fiangonana Katolika Romana, taorian’ireo apostoly. Avy eo isika dia nandalo teo amin’ny Katolika Romana, ny Grika, sy ny sisa, nitohy hatrany amin’ny taonan’i Luther, sy Wesley, inona koa, rafi-pandaminana sivinjato samihafa no tonga nanaraka. Nanana an’ireo taona rehetra ireo izy ireo, fampianarana.

Ankehitriny dia Izy no nampanantena, mialoha indrindra ny hahatongavan’ny andro farany, fa hiseho indray ilay sarin’i Sodoma sy Gomora, “Tahaka ny tamin’ny andron’i Sodoma, dia

ho toy izany koa amin'ny fihavian'ny andro farany, hanambara ny Tenany indray ny Žanak'olona.” [Elanelana tsy voaraki-peo—Mpand.]

“Fa vetivety foana dia tsy hahita Ahy intsony izao tontolo izao; fa ianareo kosa hahita Ahy, satria Izaho,” mpisolo tena iray, “Izaho no homba anareo, ho ao anatinareo mihitsy aza, hatramin’ny fahafonganana, faran’izao tontolo izao. Homba anareo Aho.” Izy no tsy miova omaly, anio, ary mandrakizay. Hitanareo?

¹⁵⁷ Hitanareo, ny *Samaritana* dia, raha ny tena izy, avy tamin’ny toriteniko omaly hariva, dia Hagara, hitanareo, tandindona voavadika iray. Ny *Jiosy* dia Saraha, na Saraha-ita. Fa ny *Jentilisa* dia avy amin’i Maria, ilay Taranaka Mpanjaka, Taranaka Mpanjakan’i Abrahama.

¹⁵⁸ Ankehitriny dia nampanantenaina fa amin’izao andro farany izao, hoe, io Andriamanitra io ihany, io Kristy io ihany, no hiverina eto ary hanambara ny Tenany ho Zanak’olona.

Nahoana? Izy no tsy miova omaly, anio, ary mandrakizay. Ary raha namela ny Jiosy ho afaka fotsiny Izy, ka nanome azy ireo an'ilay famantarana Mesianika, nefo avy eo dia tonga eo amin’ny faran’ny fampianaran’ny Jentilisa ka hamela azy ireo hiditra fotsiny amin’ny teolojia, dia ho tsy marina Izy. Tsy maintsy manao an'ilay zavatra mitovy Izy, satria ny Baiboly no nilaza, ao amin’ny fahatel-... Hebreo 13:8, “Izy no tsy miova.”

Ary Izy no efa nampanantena ao amin’ny Malakia 4, sy ireo Soratra samihafa rehetra, fa, amin’ny andro farany, ilay fiangonana dia hitoetra tanteraka mihitsy tahaka ny misy azy amin’izao andro izao, ary izao tontolo izao dia ho izany.

¹⁵⁹ Jereo izao tontolo izao amin’izao andro izao. Jereo ilay toeran’i Sodoma. Jereo ireo horohoron-tany any amin’ny toerana samy hafa, sy ireo zavatra izay miseho. Jereo ilay fiangonana sy ny loto ao anatiny, an'i Babylon. Jereo ilay iraka ho azy, Oral Roberts iray sy Billy Graham iray.

G-r-a-h-a-m, fotoana voalohany mba nananantsika iraka iray, ho an’ny fiangonana rehetra, ka ny anarany dia niafara mihitsy amin’ny h-a-m, tahaka an'i Abraham. A-b-r-a-h-a-m dia litera fito. G-r-a-h-a-m dia litera enina. Aiza no misy azy izao? Any amin’izao tontolo izao. Ny enina dia isan’ny olona. Ny olona dia noforonina tamin’ny andro fahenina. Fa ny fito dia isan’Andriamanitra.

¹⁶⁰ Ankehitriny dia jereo izy ireo tany Sodoma. Ary teo ireo irany tany niresaka tamin’izy ireo.

Fa tamin’izany fotoana izany dia aiza ilay Taranaka mpanjakan’i Abrahama? Aiza ilay famantarany, izay Nolazainy? “Tahaka ny tamin’ny andron’i Sodoma,” izay nidinan’Andriamanitra ka voaseho tao amin’ny

nofon'olombelona, ary niteny an'izay noeritreretin'i Saraha tao am-pony, tao anatin'ilay tranolay Taoriany, ilay famantarana farany talohan'ny nandravana an'ilay izao tontolo izao Jentilisa tamin'ny afo. Ary ilay Fiangonana dia handray ny famantarany farany alohan'ny handravana an'izao tontolo rehetra izao, ity fanjakana Jentilisa ity dia ho ravàna amin'ny afo sy ny fahatezeran'Andriamanitra. Mino an'izany ve ianareo? [Hoy ny fiangonana hoe, "Amena."—Mpand.]

¹⁶¹ Io Melkizedeka io dia nofo, naneho ny Tenany tao anatin'ny vatan'olombelona; ary avy eo dia tonga nofo Izy taty aoriana. Ary ankehitriny, izao hariva izao, dia Izy no tsy miova, omaly, anio, ary mandrakizay. Mino an'izany ve ianareo? [Hoy ny fiangonana hoe, "Amena."—Mpand.]

¹⁶² Iza io Melkizedeka io, arak'izany, izay tsy miova omaly, anio... "Tsy nanana ray mihitsy, tsy nanana reny mihitsy; tsy nanana voalohan'andro mihitsy Izy, tsy nanana faran'ny fiaianana mihitsy Izy." Ary nitsena an'i Abrahama Izy, ka karazana famantarana inona no Nataony? Avy eo rehefa tonga nofo Izy, dia Nolazainy fa hiverina indray izany mialoha indrindra an'ilay andro farany. Mino an'izany ve ianareo? [Hoy ny fiangonana hoe, "Amena."—Mpand.] Mino an'izany aho. ["Amena."]

Ndao isika hivavaka.

¹⁶³ Andriamanitra Malala, mino an'ireo Soratra aho, izay Nilazanao fa Ianao no "tsy miova omaly, anio, ary mandrakizay." Ary am-pahatsorana ao amin'ny foko, Tompo, dia fantatra fa misy zavatra efa natao hiseho. Tsy afaka hamantatra an'ilay izy tokoa aho. Matahotra aho ny hilaza zavatra, Tompo. Ianao no mahafantatra ny fon'ny Mpanomponao.

¹⁶⁴ Ary impiry moa, nandritry ny taona rehefa nandefa an'ireo zavatra Ianao, no nahadiso an'ireo olona tamin'ny fahazoana an'izany. Ny olona dia midera an'Andriamanitra tsy ankitsahatra ny amin'izay Nataony, ary milaza hoe inona ireo zavatra lehibe izay Hataony, fa tsy mahalala an'izay Ataony. Efa toy izany foana ilay izy nandritry ny taona. Nahoana ilay fiangonana Romana no diso tamin'ny fahitana an'i Masindahy Patrick ho mpaminanin'Andriamanitra? Nahoana izy ireo no namono an'i Jeanne d'Arc nefo izy dia—dia mpaminanivavy iray, nandoro azy toy ny mpamosavy iray? Ray, andro lasa foana izany. Ianao no manafina an'izany amin'ny mason'ireo hendry sy manan-tsaina. Tsy mahagaga raha nilaza tamin'ireo mpisorona ireo Ianao hoe, "Ianareo dia manaingo an'ireo fasan'ny mpaminany, nefo ianareo no hany nametraka azy ireo tao." Taoriany'ny nahalasan'an'izy ireo, vao hitan'izy ireo ny fahadioany. Manenjika Anao foana izy ireo, Tompo, na inona na inona endrika Nahatongavanao.

¹⁶⁵ Mivavaka aho, izao hariva izao, Andriamanitra, izao indray mandeha izao monja. Rahampitso izahay dia nifamotoana ho any... handeha ho any Tucson. Ampahany hafa amin'izao tontolo izao, tanàna hafa izay tsy maintsy hitorianay teny. Saingy, Andriamanitra Malala, mety misy vahiny eto izao hariva izao izay tsy manana mihitsy... Efa nandre an'ireo Teny voatory izy ireo, saingy tsy mbola nahita an'Izany voaseho mihitsy.

Araka ny nangatahako Taminao tany am-piandohana. Rehefa ireo mpianatra ireo, Kleopasy sy ny sakaizany, izay tonga avy tany Emaosy, no nandeha teny an-dàlana, ary nivoaka avy tao amin'ilay roimemy Ianao ka nanomboka niresaka tamin'izy ireo, taorian'ny fitsanganana, nitory tamin'izy ireo. Nahoana, hoy Izy hoe, "Ry adala, votsa fo. Tsy fantatrareo ve fa tsy maintsy niaritra an'ireo zavatra ireo Kristy, avy eo vao nuditra tao amin'ny Vonitorahiny?" Saingy mbola tsy nahafantatra an'izany foana izy ireo. Nandeha niaraka Taminao iray andro manontolo izy ireo, nefä mbola tsy nahafantatra Anao foana. Fa indray hariva...

Tonga ny hariva, dia nanery Anao hiditra izy ireo. Rehefa nuditra tao amin'ilay tranom-bahiny kely izy ireo ka nanidy an'ireo varavarana, tamin'izay fotoana izay Ianao no nanao zavatra tahaka ny Nanaovanao azy talohan'ny fanohomboana Anao, dia fantatr'izy ireo fa izany ilay Kristy nitsangana. Tao anatin'ny fotoana vitsy dia tao ambadik'ireo efitra lamba Ianao ary lasa. Nihazakazaka haingana izy ireo ary niteny tamin'ireo mpianatra hoe, "Efa nitsangana tokoa ny Tompo!"

¹⁶⁶ Ray, Andriamanitra, izaho dia mino fa mbola velona Ianao. Fantatro fa misy Ianao. Ary Ianao no nanaporofa an'izany taminay matetika tokoa. Azonao atao fotsiny ve ny manao an'izany indray mandeha monja ho anay, Tompo? Raha mahita fitia eo Imasonao izahay, dia aoka hitranga indray mandeha monja izany. Mpanomponao aho; Mpanomponao ireto eto ireto. Tompo, izay rehetra voalazako dia tsy hitovy lanja amin'ny... Teny iray avy Aminao fotsiny dia ho be lavitra noho izay voalazako tao anatin'ireo hariva dimy ireo, na hafatra dimy. Ho be lavitra izany, teny iray fotsiny avy Aminao. Tsy hiresaka ve Ianao, Tompo, mba hahafahan'ny olona hahafantatra fa niteny tamin'izy ireo ny Fahamarinana aho? Ekeo izany, Andriamanitra. Mangataka an'izany amin'ny Anaran'i Jesosy aho, izao indray mandeha monja izao. Amena.

¹⁶⁷ Ankehitriny, tsy mahafantatra anareo aho. Olona sasantsasany no fantatro. Fantattro ity zazalahy izay mipetraka eto ity. Fantattro i Bill Dauch izay mipetraka etsy mihitsy. Izaho dia te... Io eto io Rahalahy Blair, Rodney Cox. Sarotra ny mahita ny ery.

Eto amin'ity ilany ity, amin'izao fotoana izao mihitsy dia tsy mety mahita olona aho, ny tena marina, izay fantattro.

¹⁶⁸ Ankehitriny firy ato no mahafantatra fa vahiny aminareo aho? Atsangano ny tànanareo, izay mahafantatra fa tsy mahafantatra na inona na inona momba anareo aho, atsangano ny tànanareo amin'ny ilany roa.

Firy ato no manana zavatra tsy mety, na zavatra izay fantatrareo fa tsy mahafantatra na inona na inona momba an'izany aho? Hanangana ny tànanareo ve ianareo.

Ankehitriny, tena tsy hety mihitsy, tena tsy hety tanteraka amiko mihitsy ny hahafantatra zavatra momba anareo. Raha tsy izany, amin'izay fotoana izay, dia tsy maintsy avy amin'ny fanambarany Fanahy izany.

Ary satria efa nilaza taminareo aho tamin'ireo hariva rehetra ireo, ary izao hariva izao, fa tsy maty Izy; eto Izy, ary nampanantena ny hanao an'ilay zavatra mitovy. Ary nampanantena fa ho avy ny fotoana amin'ny andro farany, araka ny Malakia 4 sy araka ny Masindahy Lioka, izay Hisehoany indray ao amin'ny endrik'olombelona eo anivon'ny Olony sy hanaovany an'ireo zavatra mitovy, ary hanambara an'ilay zavatra mitovy, ilay famantarana Mesianika mitovy. Firy no mahafantatra an'izany, ianareo mpamaky Baiboly, mahafantatra fa izany no Fahamarinana? Manaova hoe, "Amena." [Hoy ny fiangonana hoe, "Amena."—Mpand.] Tsy maintsy ho mpamaky Baiboly ny rehetra.

¹⁶⁹ Ankehitriny, fantatro fa vahiny amin'ny olona izany androany, saingy mbola ny Fahamarinana foana izany. Izany no antony tsy nahafantaran'izy ireo an'i Jesosy avy any Nazareta. Ireo fanekem-pinoan'ny fiangonany no fantatr'izy ireo, fa tsy nahafantatra Azy izy ireo. Fa tonga fotsiny arak'izay nolazain'ny Baiboly Izy; tsy teolojiana iray, tsy mpisorona iray. Tonga amin'ny maha-Mpaminany iray Izy, ary tsy nandray Azy ny Azy Manokana.

¹⁷⁰ Ankehitriny, raha hihazona ny Teniny Andriamanitra, ary raha sendra aho ka... raha sendra milatsaka eo amin'ny olona izay fantatro ilay izy, amin'izay fotoana izay aho dia—aho dia haka olona hafa iray. Hitanareo, mila olona iray izay tsy fantattro aho. Ary tiako ianareo hivavaka.

¹⁷¹ Ankehitriny, jereo, nisy vehivavy kely iray indray mandeha nanana kilema. Efa nandany ny volany tamin'ireo dokotera izy; tsy nahavita soa azy izy ireo. Ary niteny tao am-pony izy hoe, "Raha afaka mikasika ny akanjon'io Lehilahy io fotsiny aho, dia ho salama aho." Tsaroanareo ve ilay tantara? Ary noho izany dia niezaka ny nanao azy hijanona tany aoriana izy rehetra ireo, saingy nisisika hatrany izy mandra-pahakasiny ny Akanjony, niverina ary nipetraka.

¹⁷² Ankehitriny henoy tsara. Ary avy eo rehefa nanao an'izany Izy, rehefa nanao an'izany izy, dia nitodika Jesosy ka nanao hoe, "Iza no nikasika Ahy?"

¹⁷³ Nahoana, niteny mafy Azy ilay apostoly Petera. Mety niteny zavatra anankiray izy toy ny hoe, “Tompo, aza miteny zavatra tahaka an’izany. Ny olona dia hino fa misy zavatra tsy mety Aminoao. Satria, rehefa nanontany azy ireo Ianao mba hihinana ny Nofonao sy hisotro ny Rànao, dia efa nihevitra izy ireo fa misy zavatra tsy mety. Nefa Ianao manao hoe, ‘Iza no nikasika Ahy?’ Nahoana, ny vahoaka manontolo dia mikasika Anao.”

¹⁷⁴ Hoy Izy hoe, “Eny, saingy Hitako fa nisy hery nivoaka tao Amiko.” Izany ilay karazana fikasihana hafa iray. Ankehitriny, ny rehetra dia mahafantatra fa ny *hery* dia “tanjaka.” “Mihamalemy Aho; niala Tamiko ny *hery*.”

Dia njery manodidina teo amin’ny mpanatrika Izy mandrapahitany an’ilay vehivavy kely, ary niteny taminy mikasika ny fitsiha-dràny. Ary tsapany tao amin’ny vatany fa nitsahatra ilay fitsiha-drà. Marina ve izany? Dia hoy Izy hoe, “Ny finoanao no nahavonjy anao.”

Ankehitriny, ny teny Grika eo dia *sozo*, izay midika tanteraka hoe “voavonjy,” ara-batana na ara-panahy, mitovy mihitsy. Izy no “namonjy.” Izy no—Izy no Mpamonjinareo.

¹⁷⁵ Ankehitriny, raha izany no Izy omaly, sy ny fomba Niasany, mba hanaporofo fa teo anivon’ny olona Izy, ilay Mesia nampanantenaina; ary izany no fomba Nanondroany ny Tenany, sy fampantanen’ny Baiboly, fa hanao an’ilay zavatra mitovy Izy ankehitriny; Izy ve tsy, Izy ve tsy tokony hanao an’ilay zavatra mitovy?

¹⁷⁶ Hoy ianareo hoe, “Nilaza momba ny fanasitranana ny marary ve Izy?” Hia!

Ny Hebreo, ny Baiboly izay vao avy novakiako, no nilaza fa, “Jesosy Kristy ankehitriny no Mpisoronabe antsika izay azo kasihan’ny fahalementsika.” Firy no mahafantatra fa marina izany? [Hoy ny fiangonana hoe, “Amena.”—Mpand.] Ny Baiboly no niteny an’izany. “Izy no Mpisoronabe ankehitriny izay azo kasihan’ny fahalementsika.” Koa raha Izy ihany no Mpisoronabe izay naha-izy Azy tamin’izany, dia ahoana no Hataony ankehitriny? Tsy maintsy hiasa amin’ilay fomba Nataony tamin’izany fotoana izany Izy, raha Izy ihany no Mpisoronabe. Ankehitriny, ianareo dia mety . . .

Izaho tsy Mpisoronabe anareo. Mety mikasika ahy ianareo, nefà dia ho toy ny fikasihana ny vadinaréo fotsiny izany, na ny rahalahinareo, na inona koa, olona iray.

¹⁷⁷ Fa avelao ny finoanareo no hikasika Azy, dia diniho izay mitranga. Ankehitriny, raha mpanompon’Andriamanitra aho ka efa nilaza taminareo ny Fahamarinana, dia Andriamanitra no hanamarina an’izany ho Fahamarinana. Ary izany no hanaporofo fa velona Jesosy Kristy izao hariva izao, mitsangana eto. Marina ve izany? [Hoy ny fiangonana hoe, “Amena.”—Mpand.]

Ankehitriny, manàna finoana ianareo, ilany iray fotsiny ihany aloha, ilany iray. Manàna finoana ianareo etsy. Tsaratsara kokoa ho ahy ny mijanona eto amin'ny fanamafisam-peo eto, satria tsy afaka mandre ahy izy ireo.

¹⁷⁸ Aoka ny olona iray hiandrandra amin'Andriamanitra fotsiny, ka hanao hoe, "Andriamanitra, tsy mahafantatra ahy io lehilahy io. Tsy mahafantatra na inona na inona momba ahy izy. Tena vahiny tanteraka aminy aho. Fa avelao kosa ny finoako hikasika Anao, Tompo. Ary Ianao no mahafantatra hoe inona ny olana amiko, Tompo. Ianao no mahafantatra ny momba ahy rehetra. Ianao no mahafantatra hoe iza aho, mitovy amin'ny Nahafantaranao hoe iza i Petera, mitovy amin'ny Nahafantaranao an'i Natanaela, mitovy amin'ny Nahafantaranao hoe inona no tsy nety tamin'ilay vehivavy niaraka tamin'ny fitsiha-drà. Ary io lehilahy io no miteny amiko fa Ianao no 'tsy miova omaly, anio, ary mandrakizay.' Koa, Tompo, avelao ny finoako hikasika Anao."

Ary raha hanao an'izany Izy, ary manaporofo ny Tenany eto tsy misy diso, dia firy aminareo no hino Azy amin'ny fonareo rehetra; raha hanao an'izany Izy fara-fahakeliny amin'ny anankiray, na roa, na olona telo, mba ho—mba ho vavolombelona? [Hoy ny fiangonana hoe, "Amena."—Mpand.] Andriamanitra hitahy anareo.

¹⁷⁹ Ankehitriny, Andriamanitra Ray, izao dia ivelan'ny tânán'olona tanteraka. Tsy maintsy ho zava-mitranga ivelan'ny voajanahary izany. Noho izany dia mivavaka aho mba Hanampianao ahy ankehitriny, Tompo. Eo an-Tânanao aho. Ataovy amiko izay Hitanao fa sahaza. Amin'ny Anaran'i Jesosy. Amená.

¹⁸⁰ Ankehitriny, aza mikorontana. Am-panetre-tena fotsiny, am-panajana manaova hoe, "Tompo, hanompo Anao aho. Ary izany dia ho fahamarinana, fa, raha afaka mikasika ny Akanjonao aho, amin'izay fotoana izay dia mamalia Ianao amin'ny alàlan'io lehilahy io. Izany no hanaporofo amiko fa izay nolazainy dia ny Fahamarinana." Marina ve izany?

¹⁸¹ Firy noefa mba nahita ny sarin'ilay Hazavana? Manerana ny firenena izany, na aiza na aiza. Naka azy ny siansa ary nandinika azy, ary na aiza na aiza. Ankehitriny, dia eto mihitsy Izy ankehitriny; ilay Anankiray ihany izay nilaza mikasika ny *Fanambadiana Sy Ny Fisaraham-panambadiana*, ilay Anankiray ihany teny amin'ny tendrombohitra, nanozongozona an'ireo havoana tany, ilay Anankiray ihany izay tany amin'ilay renirano eto tamin'ny '33, ilay tsy miova omaly, anio, ary mandrakizay. Tsy miova Izy.

¹⁸² Ankehitriny, indro misy vehivavy iray, ary fantany ankehitriny fa nisy zavatra nitranga. Mihantona eo amboniny ilay Hazavana. Mipetraka eto mihitsy izy, manao akanjobà

maitso, na tahaka an'izany. Tsy fantattro ilay vehivavy. Ataoko fa samy vahiny izahay. Marina izany. Mino ve ianao fa Andriamanitra... Ianao dia—iana dia mila zavatra, ary ianao ve mino fa Andriamanitra dia afaka manambara amiko hoe inona ny olanao? Ary raha manambara Izzy, amin'izay fotoana izay dia fantatralo fa tsy maintsy ho hery iray ivelan'ny voajanahary izany, satria tsy mahafantatra anao aho. Ary tsy maintsy tonga amin'ny alàlan'ny ivelan'ny voajanahary izany.

Miankina amin'izay hiheveranao azy izany. Afaka maka ny andaninao miaraka amin'ireo mpisorona ianao, hiantso an'izany hoe "ny devoly," na afaka maka an'ilay andaniny miaraka amin'ilay mpino ianao ka hiantso an'izany hoe "Andriamanitra." Na iza na iza no inoanao, dia avy amin'izany no hihavian'ny valisoanaao.

¹⁸³ Raha hanambara amiko ny olanao Andriamanitra, dia hanaiky Azy ve ianao ho—ho fanaovam-panavotanao ho an'io olana io? Tsy fantattro hoe inona ilay olana. Fa fantattro kosa, ary fantatralo, fa misy zavatra izay eo am-pisehoana.

¹⁸⁴ Ankehitriny, ankehitriny dia avelao fotsiny aho hiteny aminao hoe ahoana no fahatsapanao, ary amin'izay fotoana izay dia ho fantatralo; fahatsapana iray tena mafana, malemy, milamina. Eo am-pijerena an'Izany mihitsy aho. Izany dia io Hazavana io, Hazavana manganohano mihantona eo amin'ilay vehivavy.

Ary ilay ramatoa dia mijaly amin'ny aretina iray ao amin'ny vavoniny. Izany dia karazana fivontosana, tahaka an'izany, ao amin'ny vavoniny. Tsy avy eto izy. [Hoy ilay anabavy hoe, "Marina."—Mpand.] Tsia. Ianao dia avy lavitra avy eto sa tsy izany? Marina izany. Ianao dia avy any Wisconsin. Marina ve izany? Azo antoka. Ankehitriny dia sitrana ianao. Ny finoanao no nanao anao ho salama.

¹⁸⁵ Ankehitriny lazao ahy hoe Iza no nokasihan'ilay vehivavy? Eto amin'ny dimy amby roapoloo yards avy eo aminy aho. Nikasika an'i Jesosy Kristy izy, ilay Mpisoronabe. Mino an'izany ve ianareo? [Hoy ny fiangonana hoe, "Amena."—Mpand.]

¹⁸⁶ Mijery vehivavy iray aho izay efa niresahako. Io vehivavy io, mijery azy aho, satria mivavaka mafy tokoa ho an'ny lehilahy iray izy. Nilaza tamiko izy fa izy dia manana lehilahy iray... Tsy nilaza na inona na inona tamiko mikasika an'izany izy.

Fa ny anarany dia Rtoa. Waldrop. Avy any Phoenix izy. Nitsangana tamin'ny maty izy, ary tonga ny dokoterany niaraka tamin'ny rayon-x ary nampiseho homamiadana tao amin'ny fo. Maty tao anatin'ny laharam-bavaka izy. Efa oviana moa izay, Rtoa. Waldrop? Valo ambin'ny folo taona lassa izay, ary indro izy mipetraka eo izao hariva izao, vavolombelona velona iray. Tonga tao amin'ny fivoriana ny dokoterany, nitondra an'ilay... Hoy

izy, "Ahoana no hahafahan'ilay vehivavy ho velona?" Saingy io izy io, ary tsy misy marik'izany.

¹⁸⁷ Nitondra olona anankiray izy, ary mivavaka ho azy. Ankehitriny, eo am-pahafatesana izy, miaraka amin'ny diabeta. Ankehitriny, izay no fantattro. Fa satria eo am-pivavahana ianao... Fantatralo fa izaho dia tsy mahafantatra hoe iza izy, Rto. Waldrop.

¹⁸⁸ Avy any Missouri izy, ary ny anarany dia Atoa. Cooper. Marina izany. Ankehitriny, minoa ianao, afaka miverina any antranio ianao ary ho tsara, tompoko. Miankina aminao izany, raha hino an'izany ianao.

¹⁸⁹ Indro ny vehivavy iray, ary izy dia mijaly amin'ny aretina sohiaka, fahasaratana. Tsy avy eto izy. Mipetraka eo amin'ny vahoaka eo izy, *etsy* mihitsy. Antenaiko fa izy dia nahazo... Tsy avy eto izy. Avy any Georgia izy. Ramatoakely McKenny. Mino amin'ny fona rehetra ve ianao, ary mino fa Andriamanitra no hanao anao ho tsara? Mitsangàna amin'ny tongotrao, raha vahiny amiko ianao ka marina izany. Manasitrana anao Jesosy Kristy. Mino ve ianao?

[Mampitodika ny lamosiny any amin'ny fiangonana Rahalahy Branham—Mpand.]

¹⁹⁰ Ato an-damosiko, dia misy lehilahy iray mipetraka aoriako. Mifandray amin'Andriamanitra izy. Ary izay ilainy; manana zazakely iray izay tralry ny aretim-po. Ary io zazakely io dia misy mimonomonona ao amin'ny fony, izany no nolazain'ny dokotera. Ary ny anaran'io lehilahy io dia Atoa. Cox. Mitsangàna, Atoa. Cox. "Ary Izy niteny tamin'i Saraha an'izay noeritreretiny, Taoriany."

[Manohy mihazona ny lamosiny mitodika any amin'ny fiangonana Rahalahy Branham—Mpand.]

¹⁹¹ Eo am-pitan'ny lalantsara avy eo aminy mihitsy, aorianava vidavitra kely, dia misy lehilahy iray izay tsy avy eto, fa avy any New Mexico. Tsy mbola nahita azy mihitsy aho, teo amin'ny fiainako. Mijery azy mihitsy aho ankehitriny, ary aoriako izy. Avy any New Mexico izy. Ary manana zazavavy iray ilay lehilahy izay manahirana azy, ary ilay zazavavy dia tralry ny zavatra tsy mety eo amin'ny vavany. Izany dia ny... Ilay lanilany ao anatin'ny vavany no tsy mety. Ary ny anaran'ilay lehilahy dia Atoa. West. Hitsangana ve ianao, tompoko. Tena vahiny tanteraka aminy aho, saingy ny Tompo Andriamanitra no hanasitrana ny zanany.

¹⁹² Mino amin'ny fonareo rehetra ve ianareo ankehitriny? [Hoy ny fiangonana hoe, "Amena."—Mpand.] Firy aminareo no mino amin'ny fonareo rehetra ankehitriny? ["Amena."] Ankehitriny, tsy izany ve no Jesosy Kristy tsy miova omaly, anio, ary mandrakizay? ["Amena."] Manaiky Azy ho Mpamonjinareo ve

ianareo ankehitriny? Atsangano ny tangananareo. [“Amena.”] Mino Azy ho Mpanasitrana anareo ve ianareo? [“Amena.”]

¹⁹³ Indro, indro ny olona iray mipetraka eto, kilemaina na tahaka an’izany, mipetraka eo ambonin’ny fandrian’ny marary iray.

Afaka mandre ahy amin’ny alàlan’ity fanamafisam-peo ity ve ianao? [Maka fanamafisam-peo iray Rahalahy Branham ary mandeha mankeo amin’ny sisin’ny lampihazo ka miresaka amin’ilay vehivavy eo ambonin’ilay fandrian’ny marary—Mpand.] Tsy mahafantatra anao aho. Vehivavy iray mandry eo fotsiny ianao. Raha afaka nanasitrana anao aho, dia ho nataoko izany. Tsy afaka manasitrana anao aho.

[Manomboka mitomany ny lehilahy iray—Mpand.] Eny àry. Izany dia lehilahy iray izay mifaly fotsiny. Sitrana ny zanany.

Tsy mahafantatra anao aho. Vehivavy iray ianao, ary izaho dia lehilahy iray. Izao no fotoana voalohany nihaonantsika teo amin’ny fiainana, heveriko. Ireto olona ireto . . . ? . . . izay nitondra anao. Am-pahatsorana, izao no fotoanao voalohany eto; vao avy nentina fotsiny ianao. Avy lavitra be ianao. Voaaloky ny fahafatesana ianao. Tratry ny homamiadana ianao. Tsy kilema ilay izy. Homamiadana iray ilay izy. Tsy afaka manao ho anao intsony ireo dokotera. Marina izany. Ary azo antoka fa tsy maintsy ho faty ianao; ireo dokotera ireo dia tsy afaka manao ho anao intsony.

¹⁹⁴ Indray andro dia nisy boka anankitelo nipayetraka teo am-bavahadin’i Samaria. Ary hoy ireo boka ireo hoe, “Nahoana isika no mipetraka eto mandra-pahafatintsika?” Satria, ny rehetra dia aretina, matin’ny hanoanana, ary mifampihinan-janaka. Hoy izy ireo hoe, “Raha mandeha mankany amin’ny tobin’ny fahavaloo isika, ireo Syriana; raha vonoin’izy ireo isika, dia ho faty isika, na ahoana na ahoana. Ary raha mamonjy antsika izy ireo, dia ho velona isika.” Ary nalain’izy ireo izany anjara izany. Ary, noho izany finoana izany, dia tsy hoe nahavonjy ny tenany fotsiny ihany izy ireo fa ilay vondrona manontolo.

¹⁹⁵ Ankehitriny, ho faty ianao raha mandry eo ianao. Fa tsy nangatahana handeha ho any amin’ilay tobin’ny fahavaloo ianao. Fa nasaina ho ao an-tranon’ilay Ray ianao, . . . ? . . .

¹⁹⁶ Eo am-pahafatesana miaraka amin’ny homamiadana ianao. Tsy afaka ny ho velona any ivelan’Andriamanitra ianao. Tsy avy eto amin’ity tanàna ity ianao. Tsy avy eto amin’ny manodidina eto ianao. Avy lavitra be ianao. Avy any Milwaukee ianao. Izany no marina. Marina izany. Efa nahita an’ilay tanàna aho. Fantattro izany. Marina izany.

Mino ve ianao? Hanaiky an’Andriamanitra ho Mpanasitrana anao ve ianao ankehitriny? Raha hanaiky ianao, tsy mampaninona na malemy toy ny inona aza ianao, na tsy tafarina am-pandriana toy ny ahoana aza ianao, izaho dia mino, raha eo

amin'ny toeranao, fa hitsangana aho amin'ny Anaran'i Jesosy Kristy. Ary ento io fandrian'ny marary io ka mandehana mody, sy mivelona ho an'ny voninahitr'Andriamanitra. Hankatò ahy ve ianao, amin'ny maha-mpaminanin'Andriamanitra? Noho izany dia mitsangàna ary mandehana. Aoka ho sitrana! Aza matahotra. Miarena miala amin'io fandrian'ny marary io; Andriamanitra no hanao anao ho sitrana. Hitanao?

¹⁹⁷ Aoka hisy olona iray hihazona azy mba hahafahany mitsangana sy hahazo tanjaka. Mino an'Andriamanitra ve ianao? Avelao fotsiny izy hahazo tanjaka kely; ho tena tsara izy. Izay ilay izy, ranabavy. Io izy io, amin'ny Anaran'ny Tompo Jesosy! [Mifaly ny fiangonana fa mitsangana ilay anabavy ankehitriny—Mpand.]

Ndao isika hitsangana ary hanome ny dera ho an'Andriamanitra. Izy no tsy miova omaly, anio, ary mandrakizay! [Mifaly be ny fiangonana ary midera an'Andriamanitra—Mpand.]

Mandehana, ary Jesosy Kristy Tompo anie hitahy anao. [Mitohy mifaly be ny fiangonana ary midera an'Andriamanitra—Mpand.]



IZA IO MELKIZEDEKA IO? MAG65-0221E
(Who Is This Melchisedec?)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 21 Febroary, 1965, tao amin'ny Parkview Junior High School ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org